

Carnaval 61 a yega su fin



ORANJESTAD – Durante fin di siman tabatin e ultimo actividadnan di Carnaval 61. Diasabra tabatin parada na San Nicolas, caminda tanto e participan-
tenan como e publico a gosa di e parada y e creatividad di e carnavalistanan. Na Oranjestad, mescos cu na San Nicolas, biento tabata bula tanto e tent como e

parasol di publico, pero esaki no a stroba niun hende di gosa di e ultimo parada pa Carnaval 61.

Les mas riba pagina A2 y A3
Potret riba pagina B2, B3, B8, B9 y B16

Ex cuidado di preso condena

ORANJESTAD – E ex cuidado di preso na KIA a admiti di a acepta placa pa pasa 3 celular den KIA. Fiscal a haya cu a proba cu e ex cuidado di preso a laga su mes wordo cumpra, pues p'esey a exigí 3 aña y mey di prizon. Durante tratamento di e caso, Fiscal a remarca cu e situacion den KIA ta deplorabel.

Les mas riba pagina A5



Varios candela den fin di siman



ORANJESTAD – Durante fin di siman tabatin candela na Santa Martha y den Caya Sint Maarten. Na Santa Martha e candela di mondi tabata asina grandi, cu e tabata yega cerca di varios cas. E candela na Caya Sint Maarten, tabata den un cas inhabita, cual recientemente tabata na candela caba. Pa e aña aki, ya cuerpo di bombero mes-
ter a atende mas o menos 149 candela.

Les mas riba pagina A4



Awo cu 2 florin mas, bo por gana e **MEGA PLUS**

*Afl.

525.000,-

*Afl. 375.000 + Afl. 150.000

extra

Obtenibel na cualkier rebendado di Lotto.

sorteo ta awe noch





Pronostico di tempo:

Levamente nubia

ORANJESTAD - Pronostico di tempo ta indica cu tempo ta levemente nubia y generalmente seco. Temperatura maximo ta 32° grado y temperatura

minimo ta 26°.

Tempo pa mainta: Parcialmente nubia. Maximo: 32. Heatindex te 36°. Indice ultravioleta: 10. Biento di oost

alrededor di 19 nudo cu rafa-
ga di 29 nudo. Posibilidad di
awa menos cu 20%.

Tempo pa anochi: Poco nubia te parcialmente nu-

bia. Leve posibilidad di awa
despues di madruga.

Biento di oost alrededor di
17 nudo cu rafaga di 27 nudo.
Posibilidad di awa menos di
20%. ☐

Participacion paden y pafo di carnaval, minimo

ORANJESTAD - Temporada di carnaval a yega su fin ayera nochi na momento cu a kima momo den Carnival Village, un carnaval 61 cu hopi cambio y discusion. Nos matutino a asisti diferente parada y por a bisa cu en general, asistencia paden

y pafu di e paradanan tabata tiki compara cu anterior. Cantidad di detencion durante paradanan compara cu añanan anterior tambe a reduci, e añan aki e ta e mitar di añanan anterior.

Particularidad

Durante ful e temporada, despues di cada actividad medionan social tabata yena cu comentarionan negativo y positivo, particularmente dirigi na e organizacion nobo di carnaval y riba e cambionan cu a presenta den carnaval 61. Nos matutino a pone atencion y bista riba diferente medio y por a mira cu un di e cambionan cu a haya hopi mal critica, cual ta e Jouvert Morning a haya bon critica despues cu el a tuma luga y por a conta cu participacion di 6 banda.

Durante e paradanan den e fin di siman tras di lomba, tabatin hopi biento local a causa cu tent y parasol di diferente persona a bula na parada na San Nicolas y Oranjestad. Den medionan social tabatin e discusion aki cu e participantenan di e carnaval cu carosa y “shoulder piece” cu mester a lucha cu e biento. Otronan a bisa cu nan a disfruta di e biento mirando cu e tabata fresco combina cu e solo cayente.



e cantica, compañía pa banda Tsunami. E cantica aki cu un estilo hopi soca a resona henter e temporada di carnaval y a wordo toca pa diferente grupo, asina pueblo a vota y el a resulta ganado di e cantica cu a resona miho den e temporada di carnaval. E no ta un custumber cu e Soca ganado ta resulta e Roadmarch tambe. Nominadonan pa carnaval grandi 2015
Roadpiece Campeon y mini road: Champagne – mystery of muza, Majestic – spring in Tenerife OPC – Colour of Nature y Under the sea. Body piece luhoso: Carlos Tromp – Majestic, Adelma

ron Brown – Majestic, Jesse Alexander – Royal, Franklin Boekhoudt – OPC, Andres Diaz – Champagne. Shoulderpiece Campeon: Lisbelle Pop – OPC, Gloria Ahlip – OPC, Roderick Kock – Pleasers and Teasers.

Seccion Campeon: Guardian of the Atlantic – Pleasers and Teasers, Upgrade Massa – OPC, Royal Guardians of emerald city – Champagne, Spring in Tenerife – Majestic. Massa Campeon: Empire Carnival Group, Majestic, Champagne. King of band y Queen of band: Champagne y Royal, Grupo di Ana, OPC, Majestic, Champagne.


Continua riba Pagina 3



Roadmarch 2015


Stichting Musica ta anuncia Roadmarch 2015 ta e Soca ganado "We Time" di (Easy B) Bradley Versprey. E cantante mes ta e compositor di


Romney – OPC, Jade Padron – Royal, Geraldine Buckley – champagne, Kimberly Chin – Majestic. Bodypiece Campeon: Riri Botta – champagne, Shev-



Bo cadena
di numbranan
di suerte ta duna
e number di awe

Sorteo di 14 FEBRUARI 2015






02	03	19
23	31	18

Joker
Letter
F




8	6	4	4
---	---	---	---


Signo: TAURO




6	7	2	0
---	---	---	---




0	8	0	0
3	4	9	0
5	5	5	3




06	13	14	17
			18



--	--	--	--

Mega Ball




3	0	6	1
7	1	2	5
6	0	3	3

DIARIO

1	1	9	8
7	4	3	4
6	8	1	4

SUPER

0	4	1	9
---	---	---	---

4

Sorteo del 15 Febrero 2014				
				
	1	8	5	8
	CAPRICORNIO			
<hr/>				
	4	5	8	7
				
<hr/>				
	8	4	5	2
	9	6	9	7
	8	9	4	2
	01	03	09	23
				27

				
NO TIN				
SORTE				
<hr/>				
DIARIO	6	4	0	3
	6	6	8	8
	7	4	7	3
<hr/>				
SUPER	1	2	8	2
	4			
<hr/>				
Sto.	0	1	1	2
Domingo	4	7	4	5
	2	4	2	2



Proyecto contra obesidad escolar lo tin su propio fondo di financiamiento

ORANJESTAD- Minister di Salubridad Publico, Dr. Alex Schwengle a bisa cu su e proyecto pa ataca e problematica di obesidad infantil y hubenil den scol ta canando; pero e ta tardando un poco mas pa drenta na vigor. E ta un proyecto cu ta andando conhuntamente entre ministerio di Salubridad Publico y ministerio di Enseñansa.

Nan tin e pensamiento cu mirando e exito di e programa aki tin den exterior, cu esaki lo tin e mesun exito na Aruba. Pero e ta considera importante cu e rapport cu un grupo encarga, lo bin cla pa asina busca of funda e canal

di financiamiento di e proyecto aki. E mandatario a declara na Bon Dia Aruba cu lo wordo crea un fondo di salud pa e proyecto aki por cana riba su mes. Pues e placa asigna no ta bay den caha di gobierno sino cu e ta bay directamente pa e fondo di salud cu ta bay financia e nacionalisacion di e proyecto aki pa tur scol na Aruba.

Rapport

E grupo encarga cu e proyecto aki cu ta yama Hogescholen project, ta sugeri pa bin cu un investigacion mas profundo riba e problematica di obesidad escolar. Un investigacion cu por tarda hasta tres pa cuater aña pa un resultado final.

Minister Schwengle ta considera esaki un periodo basta largo, y el a pidi pa nan traha un evaluacion intermedia di e investigacion riba e problematica menciona.

Minister Schwengle ta kere cu den transcurso di mita di aña 2015 e rapport lo bin, y asina nan lo por tin un bista mas cla riba e problematica aki. Nan ta wardando e rapport aki pa asina tuma e siguiente paso.

Lista productonan insaludabel
També lo wordo elabora un lista di productonan cu ta insaludabel pa nos poblacion, considerando cu un 80% di nos poblacion tin problema cu sobre peso. E mandatario



a bisa cu nan mester busca e forma pa atende cu e productonan insaludable aki manera soft drink, sugar drink, cos cu hopi vet, tabaco, alcohol, etc...

Ta bon pa sa cu sobre peso, obesidad y malesanan relaciona cu esakinan ta den gran medida prevenibel. Pa tal motibo ta importante pa

duna un gran prioridad na e prevencion di obesidad infantil.

Segun Organizacion Mundial di Salud (OMS) ta existi e tendencia cu e muchanan cu obesidad y cu sobrepeso ta sigui cu e problematica aki den su edad adulto, si no ta haya e atencion of ayudo necesario.

També nan tin mas chens di sufri malesanan no transmisibel como diabetes y malesanan cardiovasculares na edad mas tempran. Pa tal motibo nos ministerio di Salubridad Publico kier ataca e problematica aki den su raiz.

Ta wordo calcula cu na 2010, kiermen un lustro pasa, tabatin 42 miyon mucha cu sobrepeso den henter mundo, y un mayoria di nan –alrededor di 35 miyon– tabata biba na paisnan desaroya. □

Continuacion di Pagina 2

Premio comico: Chelo Loco. Premio Comercial: Polar. Premio Creativo: Shanella Creativo; Shanella de Lange – Majestic. Premio Ambiente: Los laga bay. Premio Special, Jean Mark Wheel Chair, Premio Inovativo, Carosa cu dak

Den nos proximo edicion lo tin e ganadonan di e categorianan

Faya bo Haya

Cuerpo policial a pone 175 di su personal riba pia diadomingo ultimo na parada grandi Oranjestad. E grupo ta encera Polisnan uniform, riba brommer, riba bicicleta, cu cachonan K-9, den Mobile Eenheid, Recherche, departamento di droga, personal administrativo y Cuerpo Especial Arubano (CEA) cu a percura pa transporte di detenidonan.

Hunto a percura pa mantene un bon balans entre un grado halto di tolerancia, pero toch manteniendo orden publico. A tene masha cuenta cu tabata e ultimo evento grandi di carnaval, den cual tanto e carnalistanan como e publico banda di caminda ta un poco mas alegre cu normal.

Detaye detencion Oranjestad

Asina mes, ora cu surpasa e grado di tolerancia y bira un peliger pa orden publico, a actua mesora. Comparando cu aña pasa, unda a detene 74 sospechoso, e aña aki Polis-



nan a detene 31 sospechoso. E edadnan a varia for di 19 aña pa 46 aña. E multanan cu mester a paga pa sali di prizon a alcansa Afl. 12.250. Esun di mas abou tabata di Afl. 50,= florin mientras cu esun di mas halto tabata di Afl. 1200,= pa insulta Polis y un mix di varios otro delito mas cometi durante un detencion na final di parada den Caya Milio Croes.

Parada na ora

E parada grandi di carnaval a sali exactamente 12:00 di merdia y e cabes a yega final pa 5:00pm, e “Last Lap” a yega final pa 6:25 di atardi na Aruba Entertainment Center na Dakota, segun cuerpo policial esaki a bay segun a planifica.

Aunke cu ta nota un reduccion substancial den e cantidad di detencionnan durante e parada grandi di carnaval na Oranjestad, toch Polis ta sigur cu e cifra ey por ta me-



nos. Ta sosode mucho biaha cu, pa motibo di influencia di alcohol y droga, cu ciudadanonan ta comporta nan mes di tal forma cu ta bay cera innecesariamente. També ta constata cu hopi hende ta purba meta durante cu polis ta atendiendo un situacion, den cual tambe e ciudadanonan ta haya nan mes den problema cu husticia sin mester.

Detaye detencion San Nicolas

Durante e parada diasabra na San Nicolas, tabatin 150 polis riba caya den e diferente fun-



cionnan ariba menciona.

E cabes di e parada a yega su final pa 5:50 di atardi mientras cu e “Last Lap” a yega final pa 7:15 di anochi. E parada a cana riba un velocidad trankilo, dunando e participantenan amplio oportunidad pa por gosa di nan carnaval, mescos ta e publico banda di caminda cu tabata aplaudi e creatividad y entusiasmo di e carnalistanan.

No obstante e bon ambiente, semper tin un grupo cu ta bini cu menos bon intencion of cu no por controla nan mes na un dado momento. Especialmente pa e grupo chikito ey Polis a aplica e formula di “Faya bo Haya”. Den e cuadro ey, banda di e poder adicional cu Ministerio Publico a otorga Polisnan pa e fin di siman di carnaval den cual por a tene accionnan di listramento preventivo, a detene 31 sospechoso. Nan hunto a paga Afl. 8.300,= na multa pa por a sali for di prizon mesora.

E di detencion na e parada aki ta casi dobel di aña pasa,



unda a detene solamente 16 sospechoso.

Motibonan detencion

E edad di e sospechosonan a varia for di 14 aña te cu 58 aña. E delitonan cometi tambe a varia for di buracheria publico, posesion di cocaina, marihuana y pildernan di XTC, posesion di arma blanco (sker), no sigui ordo di Polis, pelea, insulta un Polis den ehecucion di su funcion y mas. E multanan a cuminsa for di 50 florin te cu 1100 florin pa un sospechoso cu a comete multiple delito.

E accionnan di control no a limita nan mes solamente rond di e ruta di parada di carnaval na San Nicolas, pasobra e Polisnan riba brommer tambe a tene control riba caminda grandi.

A para un cantidad di auto cu tabata actua straño, di cual a a gara 5 chauffeur bou di influencia di alcohol.

Mas potret di e paradanan di carnaval ta den nos seccion B. □

BON DIA *Aruba*

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Hefe di Redaccion
Sharina Henriquez

Redactor Ehecutivo
Zulaica Maduro

Redaccion
Benjamin Romero
Nathalie Winterdaal
Yakari Gabriel
Nadien Philip
Margarita Els

Coreccion
Jaime A. Mata

Colaboracion
Ariën Rasmijn
Oscar Vidal
Masnoticia
NoticiaCla
Associated Press
New York Times
Ret Karibense

Fotografo
Alberto Arrindell

Ehecutivo di Benta
Brigitte Wauben (Hefe)
Marijke Croes-Luidens
Mark Gomes

Diseño Grafico
Michael Arendsz

Aviso y Arte
Sandra Loefstop
Lando Rafael
Gladis Palomino-Silva
Robert Cortez

Administracion
Xiomara Arends (Hefe)
Mariette Engelhart
(Hefe di Personal)
Martha Arteta de Ariza

Distribucion
Jenny Kelly

Coleccion
Evelinda de Cuba - Tromp

Pre Press
Luis Fernando Arenas (Hefe)
Pablo Libre

Press
Roland Schenker (Hefe)
Omar Ramirez
Martin Boekhoudt
Yair Gambin
Francis Dirks

Afiliacion
Sociedad Interamerica
di Prensa (SIP)

DIRECCION
Weststraat #22
Tel: 582-7800 / Fax: 582-7044
email: noticia@bondia.com
aviso@bondia.com
BON DIA ARUBA
Ta un Corant redacta y imprimi na
Aruba y ta obtenibel di Dialuna te
cu Diasabra. Ningun contenido
por wordo reproduci sin permiso
di Editor. www.bondia.com

Secura por ta hunga un rol

Diferente candela a tuma luga den fin di siman



ORANJESTAD –Durante fin di siman a tuma luga un candela inmenso den area di Santa Martha y tambe un cas inhabita na Caya Sint Maarten. Bon Dia Aruba a tuma contacto cu departamento di bombero, mirando cu recientemente tin hopi candela pasando y nan a informa cu un causa pa esaki por ta segura.

Diasabra marduga unidad di bombero a keda solicita pa presenta den Caya Sint Maarten pa un cas na candela. Ora nan a yega na e sitio a constata cu ta un cas

inhabitante ta na candela. E cas bashi aki ya algun siman atras a keda pega na candela caba pa persona desconoci. Bomberonan a sa di domina e candela di sushi den e cas, cual tabata basta grandi. Mientras cu diasabra mainta habitantenan di Santa Martha a bati alarma na autoridad di un candela grandi di mondi cual tabata yega basta cerca di varios cas. Tabata tin hopi habitante mirando e candela aki y e huma tabata uno masha fastioso. E huma tabata asina hopi cu el a stroba visibilidad di trafico pa hende cu a pasa riba e caminda ey. Unidad di bombero a yega na e sitio y a

constata cu e candela ta basta grandi. Te asta un palo di luz a keda afecta pa e candela, di cual a pone Elmar na altura. E candela tabata menasa varios cas y a trece panico den e bisindario, pero bomberonan a sa di domina e candela aki rapidamente. Caminda a keda cera pa polis pa ningun trafico pasa.

Causa di candela

E echo cu awa a stop di yobe, ta haci cu cualkier candela cu cuminsa den un mondi ta expande hopi lihe den e segura. Aunke cu Bon Dia Aruba no por a haya un cifra concreto,

mirando cu e oficina di administracion di brandweer ta cera durante dianan di fiesta. E departamento ta bisa cu pa e aña aki so e cantidad di candela cu nan a atende rond di e isla ta mas o menos rond di 149. E aña apenas tin un luna y mey aden. Esaki ta envolvi tur tipo di candela, sea ta casnan bandona, mondi, edificionan etc. Bon Dia Aruba a puntra si e departamento ta en contra hopi candela cu ta wordo ocasiona pa hende mes, pero nan a duna di comprende cu mayoria di e candelanan aki ta pasa accidentalmente. □

Den apertura di un forma nobo di Dialogo Social

Mediador di Gobierno ta recomenda pa bin cu documentonan di Aruba 2025 bek

ORANJESTAD - Mediador di Gobierno sr. Anselmo Pontilius ta considera natural cu despues di 5 aña, Dialogo Social a cay den un crisis. Pa Aruba -segun Mediador- Dialogo Social ta un experiencia nobo for di existencia di nos status aparte.

E ta kere cu ta bale la pena cu den e apertura di un forma nobo di dialoga, trece e puntonan cu a wordo documenta den seno di e reunion y debate di Aruba 2025. “Mi ta sinti cu e documentonan ey no a haya e balor ainda cu mester ta”, el a bisa. Aunke naturalmente tin topico cu

ta demanda cierto prioridad manera criminalidad, enseñanza y vitalidad laboral despues di 60 aña.

Aruba 2025

E ta haya cu pa medio di e debatenan cu a tuma luga den seno di Aruba 2025, Dialogo Social por haya hopi aporte di un cantidad di documento tocante e proyeccion di nos isla den añanan venidero, a lo menos di unda nos kier bay. Ademá no mester lubida cu tur esunnan cu a yuda formula e documento aki, ta e sociedad di Aruba representa den tur grupo cu a haya formula pa expresa nan opinion. Mediador di Gobierno ta

recomenda tanto gobierno como e diferente gremionan pa bin cu e documentonan aki bek. El a bisa cu pa elabora e documentonan aki, a consulta cu cantidad di hendenan di tur sector na Aruba.

Por ta un cantidad di e documentonan aki mester actualisa, pero e comunidad cu a bin hunto pa participa e biaha ey, no solamente tabata sindicato, dunado di trabou, y gobierno; sino tur otro yama ya sea organisacionnan no gubernamental cu ariba tur tereno nan a duna consehonan.

E ta haya bon pa trece tur e



documentonan aki bek pasobra di e forma aki no mester gasta hopi energia, ya cu cantidad di recomendacion ta riba mesa y debidamente documenta: cultural, socio-economico, etc... E ta haya cu no mester pone esaki un banda, pasobra e comunidad ta sinti hopi biaha cu por nada nan a bay y nan no ta tuma nan na serio, y esaki ta un problema, segun sr. Pontilius. □

Fiscal: KIA den situacion deplorabel

Ex cuidado di preso ta admiti di purba pasa tres celular den KIA

ORANJESTAD – **E** homber J.R. a admiti den Corte di a acepta placa pa pasa tres celular pa presonan den KIA. Esaki a sosode entre 30 augustus y 3 september 2011. Fiscal tambe a remarca cu e situacion den e prizon ta 'deplorabel'.

Como cuidado di preso el a ricibi pago di 1200 florin. Esaki ta wordo considera como violacion di su huramento di no ta acepta pago ni regalo pa haci otro di loke ta su deber. Fiscal ta haya cu el a laga su mes wordo cumpra pa pasa celular den KIA cual ta prohibi.

Segun R. e tempo ey e tabata bou presion di divorcio y tabata bebe. El a bisa Hues

cu el a haci un fayó. E presonan a probecha di e situacion den cual e tabata. El a bisa cu prome biaha el a nenga, pero di dos biaha el a cay pa e oferta. Na yoramento el a bisa cu e ta arepentí di loke el a haci cu a causa cu el a perde su trabou.

Hues a bisa cu dia 3 september 2011 miembro di CEA a controla e cuidado di preso y ripara articulo den tas. Prome R. a saca boei pero despues nan a haya e celularnan lora den paña. El a pidi e warda pa lag'e bay sino e ta perde su trabou. E controlado a bis'e kico e kier pa e perde su trabou.

El a splica cu dos celular tabata pa un preso, caminda el a haya 700 florin for di e preso

M. El a bisa cu un otro preso J. a ofrece 500 florin pa pasa un celular. En total 3 celular. E dos señoranan unda el a busca e celularnan, a admiti di a duna R. e celularnan. Hues a remarca cu R. ta bay di acuerdo pa pasa 3 celular riba un dia. R. a bisa cu e kier a deshaci tur cos. E tabata kier a stop pero a gasta e placa den bebemento pa motibo di problema di divorcio. El a bisa cu e tabata suspendi y despues a haya retiro.

'KIA den situacion deplorabel'

Fiscal ta haya legal proba cu R. a laga su mes wordo cumpra. El a bisa cu R. mes a admiti di a acepta placa, sabiendo cu esey ta contra su funcion como cuidado di preso. El

a hasta pidi e controlado di CEA pa lag'e pasa. Fiscal ta haya cu KIA ta den situacion 'deplorabel'. E situacion di cuidadonan di preso ta hopi tenso cu mester atende cu presonan peligroso. E presonan ta ofrece cuidadonan di preso constantemente placa pa pasa cos. Pasa celular ta sumamente peligroso. Ora haci razzianan, cada bes ta haya un cantidad di cos cu ta wordo pasa entre nan celular. Un di e presonan tabata cera pa posesion di arma y e otro pa intento di mata.

Fiscal a bisa cu e ta tene cuenta cu 3 aña y mey a pasa caba y tabata un periodo largo di incertidumbre pa R. Landsrecherche a entrega e rapport na 2012 pero na Ministerio

Publico e cos a keda pega. Esaki no ta culpa di R. El a tene cuenta cu R. a perde su trabou y actualmente e ta trahando na un otro luga. Fiscal a exige 120 ora di trabou of 60 dia cera. Tambe el a exige 1200 florin of 24 dia cera. Esaki ta e placa cu R. a haya.

Sentencia

Hues a cera tratamento di e caso despues di scucha abogado. El a dicta sentencia di biaha y a bisa cu R. ta culpabel di a wordo cumpra como cuidado di preso. E ta un caso hopi serio pasobra hustamente un cuidado di preso mester evita esaki. A tene cuenta cu hopi tempo a pasa prome cu e caso aki a bin dilanti. El a condena R. di acuerdo na exigencia di Fiscal. □

Abogado ta señala

Dama kier a tuma venganza contra dentista y a haci denuncia di viola



ORANJESTAD -- Tratamento di e caso penal tocante violacion contra e dentist M., a dura mas cu 3 ora y p'esey Bon Dia Aruba a dicidi di pone e parti di tratamiento di e caso y exigencia di Fiscal den un articulo cu a publica diasabra pasa y den e articulo aki ta pone e defensa di abogado mr. Chris Lejuez.

Ta asina cu Fiscal, aunke cu e sospechoso M. ta para riba cu e no a viola su ex, ta haya M. culpabel y a exige 2 aña di prizon.

Mr. Lejuez a bisa Hues cu mester ta hopi cuidadoso ora ta acusa un persona di violacion. Violacion ta un caso hopi serio. E ta haya cu mester por prueba debidamente cu tin violacion. Na su opinion, no por papia di violacion pasobra e unico prueba directo, ta bin di e mesun testigo cu ta e ex señora.

Di e documentonan por conclui cu otro factornan ta hunga papel den e caso aki. El a muestra cu e ex cu a comparti 26 aña cu e sospechoso M. y tin 3 yiu cu ta studiando den exterior, a bay tene relacion cu un otro homber.

E abogado a muestra cu e yiu muhe a declara na Hulanda cu desde 2011, e ta sospecha cu su mama tabatin un relacion cu un otro homber. El a adverti su tata di esaki pero e tata tabata ciego pa e ex. E abogado ta di opinion cu no por confia declaracion di un ex cu tabatin relacion secreto cu un bon amigo di su casa.

E abogado a muestra tambe riba declaracion di e ex cu no ta consistente. El a muestra cu e yiu muhe su declaracion ta dudoso. Tin mucho duda y tur e declaracionnan ta basa riba loke e ex a conta. No por bay uza e declaracionnan aki pa exige 2 aña di prizon.

'Denuncia falso'

El a remarca cu e ex ta haci denuncia di violacion y mas o menos 1 ora despues, ta pidi pa hala esaki aden. Como motibo e ex a bisa cu e tres yiu nan no kier pa e tata bay cera. E abogado a bisa Hues cu e ta kere cu e halamento aden aki di e denuncia lo ta pasobra esaki ta traha riba consenshi di e ex cu lo a realisa cu el a haci un denuncia falso.

E yiu muhe a declara na au-

toridad na Hulanda cu algun dia despues di e incidente, na januari 2014, el a papia cu su mama, kende a bisa cu e no kier a haci denuncia.

Despues, na april 2014 e mama a yama e yiu y bis'e cu el a haci denuncia. E yiu no tabata sa mes cu denuncia a wordo haci dia 29 december 2013 y hala esaki aden y na maart 2014 e mama a bolbe bay polis y bisa cu e kier sigui cu e denuncia.

Venganza

Na opinion di e abogado tin motibonan pa pensa cu a manipula cu e denuncia contra M. Abogado a muestra Hues riba un e-mail cu M. a haya di un abogado den un caso civil encuanto divorcio, cu ta muestra cu ta pone ultimatum pa pone e cosnan cu a coy di e cas bek sino lo tuma medida. Ora cu M. no a cumpli, e ex a bay polis y a pidi pa sigui cu e denuncia di violacion contra M.

Tur esaki pasobra e sospechoso tabata coy cosnan di nan cas y no a cumpli pa pone e cosnan bek.

Segun e abogado, tur esaki ta pa motibonan material y no pasobra realmente lo a sosode e violacion. Esaki ta un manera di venganza pa castiga M. cu a wordo deteni. Abogado a muestra cu e ex su amigo a laga traha un cas grandi na Malmok banda di Tierra del Sol y cu e ex ta

core den un auto luhoso.

Bibando den e cas luhoso na Malmok, e ex lo no permiti cu e ta perde tur esaki pa motibo di relacion sexual boluntario cu M. E abogado a bisa Hues y a muestra potret cu fecha riba nan, cu M. y e

ex tabatin relacion boluntario sexual diferente biaha. Awor Fiscal ta haci cu 28 december 2013 tabata algo excepcional y unico siendo cu no ta asina.

Hues a keda di bay studia e caso y dentro di algun siman lo dicta sentencia. □



SIDEBAR

BISTRO ARUBA

GOURMET BURGERS & BARREL AGED COCKTAILS

- DAILY SPECIALS
- FREE & AMPLE PARKING
- 6 FLAT SCREENS
- BARREL AGED COCKTAILS

- FREE WIFI
- 6 ICE-COLD DRAFT BEERS
- KIDS MENU & KIDS CORNER
- ARUBA'S LARGEST BOURBON SELECTION

OPEN DAILY:
SUNDAY - THURSDAY FROM 8:00 AM - MIDNIGHT
FRIDAY & SATURDAY FROM 8:00 AM - 1:00 AM

LOCATED AT RENAISSANCE (SEAPORT) MARKETPLACE ACROSS THE OCEAN SUITES | DOWNTOWN ORANJESTAD
L.G. SMITH BOULEVARD 9, ORANJESTAD, ARUBA | TEL. +297 588 5511 | INFO@SIDEBARARUBA.COM
WWW.SIDEBARARUBA.COM

E organisacion lo papia cu partnernan den comunidad

JCI ta inverti den liderazgo den nan 100 aña di existencia

ORANJESTAD - Den cuadro di 100 aña di celebracion di JCI internacional a dicidi di bay sigui forma lidernan pa cual aki presidente di JCI Dutch Caribbean, sr. Maharo Isenia cu ta di Corsou a splica mas di e metanan pa 2015

Ta asina cu nos di JIC di Dutch Caribbean pa ta mas exacto tur e islanan cu antes nos tabata yama Antias cu ta Aruba, St Marteen, Curaçao y Bonaire tin un organisacion di JCI. E aña aki internacionalmente nan ta cumpli 100 aña. Den e cuadro ey ta hopi importante pa nan por duna bek na nos comunidad. E manera con JCI ta hacie ta inverti den liderazgo.

Compromiso

JCI Dutch Caribbean kiermen organisacion central cu ta dirigi su mes riba tur e islanan a bini cu un compromiso. Na Curaçao caba nan a cuminsa cu e celebracion, pero pa e aña aki tambe hunto cu nan dos organisacionnan local esta JCI YALA y JCI Aruba a bini cu e idea cu nos mester inverti den e hende.

“Pasobra si nos no ta inverti den hende, bo no por crea impacto positivo necesario den nos comunidad. Nos ta para pa empodera hende y di e manera ey nan por crea impacto necesario den nos comunidad”, sr. Isenia a bisa.

Pa demostra nan compromiso pa cu esey nan a invita presidente mundial di JCI pa



bini duna su aporte na e celebracion di nos 100 aña; y e inversion cu ta necesario pa cu e liderazgo.

Pero tambe pa nan por papia cu e posibel partnernan cu nan tin den comunidad, tanto den gobierno como den sector priva y e NGO. Pasobra JCI pa medio di un triangulo kier para central den e totalidad, caminda cu nan ta conecta tur e tres sectornan aki hunto.

Evento

Pa JCI Yala di Aruba, sr. Ricky Hoek a splica cu den luna di juni lo bay tin basta even-tonan pa forma lider entre 18 cu 40 aña di edad. Segun sr. Hoek nan ta hopi contento cu e bishita di e World President cu a bin bishita nan na Aruba en conexion cu e celebracion di e 100 aña di impacto. Den e cuadro di esey, JCI Yala den luna di juni ta bay tin un meeting caminda tur e representantenan di Dutch Caribbean lo bay ta presente.

Tambe nan ta invita henter

mas di liderazgo nan por participa na e training.

E ta bay tuma luga dia 26 cu 27 di juni, proximo y akinan ta bay sera conoci un tiki mas cu JCI, unda ta duna oportunidad na hende hoben cu por crece y desaroya nan mes tanto na nivel local, nacional y internacional.

Nan a reitera nan invita pa comunidad henter pa tur e training encuanto liderazgo pasobra esaki lo ta bay yuda nos futuro di mañan. Nan ta desea pa tin mas miembro entre 18 pa 49 aña, a haci un invitacion pa bishita nan riba Facebook y otro rednan social.

Connect

Conexion ta algo importante pa tur hende pasobra e meta di JCI e aña aki ta pa forma un solo pueblo y special pa

forma lider. Segun sr. Josaphatrich de Camps a splica cu e aña aki nan ta bay focus hopi riba Connect.

Nan ta bay tin un campaña cu yama “Connect and reconnect” unda ta bay tin un campaña den cual nan ta bay ta diferente caminda. Nan ta bay ta riba caya nan ta bay drenta diferente negoshi, nan ta bay drenta caminda tin hoben, Nan ta bay ta rond di Aruba pa nan purba connect tur hende cu otro. “Pasobra al final nos mester ta uno hunto uni”, el a bisa.

Na e pregunta si tin requisito special pa ta miembro di e organisacion aki, sr de Camps a contesta cu JCI no tin requisito special pa ta miembro solamente mester tin entre 18 pa 40 aña y no ta rekeri un nivel di estudio, pasobra na JCI semper tin luga pa siña y upgrade bo mes. □

Den cuadro di San Valentino y Dia Internacional di Lengua Materno

Buki “Curason” di Sonia Ruiz presenta na biblioteca awe nochi

ORANJESTAD - **Bon Dia Aruba a papia cu e promotor cultural y lingüista sr. Mirto Laclé kende ta encarga cu e presentacion di e buki Curason, skirbi pa autor Sonia Ruiz na Biblioteca Nacional Aruba, George Madurostraat, Oranjestad.**

E lansamento oficial di e obra literario aki lo tuma luga den cuadro di dos celebracion, esta San Valentino y Dia Internacional di Lengua Materno. E ta un coleccion di poema.

Esaki ta e di tres tomo di poesia cu Sonia Ruiz a yega di publica, e dos tomonan di poesia anterior tabata ta Nos Rosa y Barbulet, y awor e di tres tomo ta “Curason” e ta forma un trilogia.

Tambe sr. Laclé a bisa cu nan ta rescatando e memoria di un persona di 96 aña sr. Hose Djo Dania, esaki cu e cantica tradicional infantil.

Esaki pa medio di un bunita documental cu lo wordo



presenta awe diamars, 17 di februario 2015, pa 7.30 di anochi. Entrada ta gratis. Lo tin declamacion, canto y charla cortico.

Documental

E documental aki a wordo graba den cas di Hubert Lio Booi (q.e.p.d) ora cu e prome buki di Sonia Ruiz “Nos Rosa” a wordo lansa oficialmente.

Den e grabacion, Lio ta splica un cuadro cu el a pinta pa su sra. Ina.

Den e obra aki Lio ta expresa su amor locual sra. Digna Laclé-Herrera a considera un acto di declaracion di amor. Pues un documental bunita carga di hopi recuerdo.

Ademas 10 aña pasa un grupo cu participacion di Biblioteca Nacional en cooperacion cu Instituto Pedagogico Arubano y Departamento di Cultura y Mirto Laclé cu a wordo lanta pa enrikece nos lenga materno Papiamentu y otro idioma tambe. □

TA BUSCA PA VERHUUR

Ta Busca pa nos clientenan, cas pa huur den bon condicion & si ta posibel cu cura. Den categoria di prijs cuminsando di Afl. 1.800,- pa luna den bario di Noord te cu Santa Cruz. Si bo ta interesa Century 21 ta cla pa judabo.

Nos ta traha cu e siguiente condicionan:
- 1 luna di comicion pa contract di 1 aña of mas
- Si no haya un huurder; no mester paga nada
- Exclusividad

Century 21
Aruba Real Estate
Independently Owned and Operated

Palm Beach 4-G - Tel.: 586 4242
www.arubahouses.com



maduro
travel
cruise experts

Cruises

Including Flights & Hotels

HERFST VAKANTIE

MIAMI

Carnival Breeze

Oct 2 - 11, 2015

Miami, at Sea,
Falmouth,
Grand Cayman
Cozumel, at Sea
Miami

Inside

DBL 2723
TPL 2430
QD 2288

Balcony

DBL 3145
TPL 2748
QD 2554

Includes
Airfare, pre & post
stays in Miami,
Cruise, tips and
port charges.

10 Days

LOS ANGELES

Jewel of the Seas

Oct 1 - 10, 2015

Los Angeles, Santa
Barbara, San
Francisco, Monterrey
at Sea, Encinada,
Los Angeles

Inside

DBL 5154
TPL 4168
QD 4355

Outside

DBL 5393
TPL 4807
QD 4520

Includes
Airfare, pre & post
stays in Los Angeles,
Cruise, tips and
port charges.

10 Days

NEW YORK

Norwegian Gem

Oct 1 - 11, 2015

New York, Halifax,
Saint John, Boston,
Portland, New York

Inside

DBL 4249
TPL 3949

Outside & Balcony
On Request

Includes
Airfare, pre & post
stays in New York,
Cruise, tips and
port charges.

10 Days

SEATTLE

Norwegian Pearl

July 18 - 28, 2015

Seattle, at Sea, Juno
Skagway, Glacier Bay
Ketchikan, Victoria
Seattle

Inside

DBL 5426
TPL 4771
QD 4395

Outside

DBL 6572
TPL 5469
QD 4918

Includes
Airfare, pre & post
stays in New York,
Cruise, tips and
port charges.

10 Days

ZOMER



RESERVAY GANA!

PRIME CU 28 DI FEBRUARI 2015

Prices are per person and subject to change

Clientenan no ta conoci ainda

Aruba cu 5.6 biyon representa den Swiss Leaks



habri 11 cuenta pa cliente na HSBC. Y manera menciona tin 5 cliente cu tin un conexcion cu Aruba. Con esaki ta hinca den otro y si tin companianan local den e ramo di consulta financiero a conseha e clientenan pa haci esaki, no ta conoci ainda.

Clientenan grandi

E caso di Swiss Leaks ta uno hasta mas grandi. Por mira cu bou di clientenan tin dictador, criminal, artista famoso, presidente di pais, sultan, rey y hopi politico tambe. Venezuela por ehempel ta riba number 3 pa cu clientenan cu mas placa cerca e banco di Suisa, un suma di casi 30 biyon florin. Mas cu Merca cu ta riba posicion 4, segun e grupo di periodista a base di e documentonan di HSBC. E grupo a traha 65 perfil te awor di e 106 mil cliente di 203 pais total. Entre otre di Alejandro Andrade cu tabata e bodyguard di e presidente Hugo Chávez. Despues el a bira tesorero, di 2007 pa 2010. E tambe tin miyones riba su cuenta Suiso. □

ORANJESTAD – E lekmento di e documentonan di e banco mas grandi na Suisa HSBC, conoci bou Swiss Leaks, tambe ta divulga informacion tocante clientenan cu ta conecta cu Aruba.

Bon Dia Aruba te awor no a logra di haya mas informacion di e grupo di periodista uni den International Consortium of Investigative Journalists (ICIJ) riba esaki. Ta bisa cu tin un conexcion

entre Aruba y 5 cliente di locual niun tin un paspoort Arubano. Kico ICIJ ta cualifica como paspoort Arubano, no a keda cla. E por ta cu nan un paspoort di Reino Hulandes cu ICIJ no ta considera como un paspoort 'Arubano'. Sea e clientenan a haci negoshi na Aruba y habri un cuenta na Suisa pa evadi di paga impuesto.

Hulanda tambe ta riba e lista di e Swiss Leaks, posicion 13. Aruba ta riba posicion 64. E

suma maximo di un cliente en conexcion cu Aruba tabata mas o menos 5.6 biyon florin (den tabla por mira un poco mas detaye). Pa Hulanda e suma aki ta 12.8 biyon florin. Locual ta remarcabel ta cu Corsou no ta riba e lista, unda e sector financiero pa cu actividad 'off shore' semper tabata mas grandi cu esun di Aruba. Di Hulanda si algo cu no ta algo straño. E prome caso cu e mesun grupo di periodista a cubri riba e mesun topico pero situa na Luxem-

burgo, ya a divulga cu companianan Hulandes ta uzando e caminda aki pa desvia di paga impuesto. Den caso aki, conoci bou di Lux Leaks cu Bon Dia Aruba a cubri tambe, un gran cantidad di compania manera Disney, Ikea tabata haciuzo di areglo crea pa companianan renombra riba tereno di consulta financiero, manera PWC, pa asina paga menos impuesto posibel. Aruba no ta menciona den Lux Leaks pero si den Swiss Leaks. Entre 1988 y 2006 a

Contrabanda gasolin na Aruba ta haya atencion den prensa Mericano

ORANJESTAD – Contrabanda di gasolin di Venezuela pa Aruba ta pasando pa hopi aña caba. Pero siman pasa e prensa Mericano Bloomberg a publica e storia di un

chauffeur di taxi Arubano contando den detaye con e ta importa e gasolin ilegalmente.

E contrabanda tin atencion di husticia local pero e ta algo

hopi dificil pa stop. Tur dia botonan ta bin y bay di nos isla pa Venezuela. Gasolin pero tambe otro productonan ta dreña nos isla.

Tin pa consumo personal pero tambe pa vende. E contrabanda aki ta asina bieu cu e motibo dicon Bloomberg a dicidi aworaki pa publica e storia, no ta conoci.

E echo cu e contrabanda aki ti e atencion di autoridad Arubano, no ta algo nobo. Un par di aña pasa Ministerio Publico a bati alarma riba e peliger di warda e gasolin na cas.

Pasobra considerando e cantidad di gasolin, mester warda esaki den un forma

hopi sigur y tambe preferibel den un area unda no ta biba mucho hende.

Ora tin candela por ehempel y brandweer no ta na haltura cu e bisña ta warda un gran cantidad di combustibel ilegal, esaki por trece hopi peliger pe bario pero tambe pe bomberonan mes.

E storia di Bloomberg ta conta di e chauffeur di taxi cu ta bay Venezuela casi tur siman pa busca gasolin barata.

E ta trece 104 galon den container chikito pa un suma di 120 dollar. Y asina e ta spaa mas o menos un 17.000 pa aña.

Den e articulo e director di departamento di Asunto Economico, Maria Dijkhoff-Pita ta remarca cu contrabanda tin atencion di gobierno di Aruba pa cu e seguridad

y desviacion di impuesto. Si esaki ta nifica cu ta dunando awor mas atencion, no ta cla.

Di banda di autoridad Venezolano e reportero di Bloomberg no ta logra di haya un contesta riba varios e-mail unda ta busca comentario. Venezuela y Aruba si ta traha hunto den e control riba lama y combatimento di diferente actividad ilegal, manera traficacion di droga.

Valero

Remarcabel den e articulo ta cu Valero su vocero ta bisa cu mas laat e aña aki lo desmantela e refineria na San Nicolas si no ta logra haya un comprado.

Segun prensa locual esaki a cuminsa caba, pero gobierno a nenga cu tin un acuerdo cu e compania Mericano pa desmantelacion. □



Present

MUSCLE-FIT

fat burning - get in shape - fast-paced cardio

Body Transformation

SCHEDULE
8:15AM:
Monday-Wednesday-Friday

7:30PM:
Monday-Tuesday Thursday

For more info
Phone: +297 586 9188
Phone: +297 736 6875
Phone: +297 5943190
Email: musclesandlungscf@outlook.com
Website: www.musclesandlungscrossfit.com
Facebook: [musclesandlungscrossfit](https://www.facebook.com/musclesandlungscrossfit)



CLASIFICADO

Servicio

Auto Bieu
nos ta piki tur sorto di auto bieu, completamente GRATIS tambe nos ta piki aircó, bateria, stoof, wasmashin, frigidaire, etc.
Yama nos na
Telf: 561-4297 /561-51796

211024



Pa AVISO den nos Corant

aviso@bondia.com

Homber droga kier a ataca tur hende

ORANJESTAD - Tur hende a keda ataca pa un homber cu a wak cos straño, despues di a consumi un substancia pafu di Wintergarden na Savaneta.

E homber tabata keda rond cu baranca den man y un rato

a hinca su cabes den un auto cu baranca pa ataca un señora. Personanan a yama Polis debi cu e homber tabata basta loco mes y tabata un menasa pa basta hende. Ambulance a presenta na e sitio topa cu e homber ta core rond manera loco y a hinca e den ambulance pa control'e. □

Dos sospechoso a drenta cas na Pastoor Hendrickstraat



ORANJESTAD - Despues di parada di San Nicolas un Yaris Blanco a dal para dilanti di un cas na Pastoor Hendrickstraat y dos persona a baha, tapa nan cara y cana drenta cura di un cas.

Un unidad di Cuerpo Policial pasando den vecindario no a basila y a bay den accion mes ora y a detene ambos sospechoso, y a laga transporta nan pa warda di San Nicolas unda nan lo tin cu bay duna cuenta di kico tabata nan intencion. Mientras cu e habitantenan di e cas tambe a wordo conseha pa pasa warda pa asina entrega keho oficialmente di e caso. E auto cu nan a laga staciona memey di caminda a wordo tuma den beslag y takelwagen a transporta esaki pa warda di Polis. □



Manager Corporate Customer Service

“Are you ready to take your career to new heights?”

Please visit www.arubabank.com/about/career for more information

General purpose:

Manage the Corporate Customer Service Department, including monitoring the overall developments of the Bank's non-borrowing client portfolio, (management) reporting, formulating strategic plans and sales/service targets as well as providing support for the Corporate Banking Division of the Bank.

Position highlights:

- Responsible for building, maintaining and management of the non-borrowing client portfolio. This includes identifying sales opportunities and monitoring/ensuring that acceptable service and risk levels are maintained.
- Ensure adequate due diligence in connection with the assigned portfolio which includes monitoring and/or verification of account opening information and customer information.
- Provide support for the Corporate Banking Division with regards to corporate services.
- Manage, coach, train and support the assigned staff to ensure that sales and service targets are realized.

Requirements:

- HBO/Bachelor's Degree, preferably Master's Degree in Business Administration or equivalent.
- 5 years of proven experience in a similar position.
- Experience and ability to lead and motivate a team to meet targets.
- Excellent customer service and communication skills.
- Strong analytical skills, accurate and quality-oriented.
- Exceptional time management skills.

Please send your application letter and resume no later than March 2, 2015 to: Aruba Bank, Human Resources Department, P.O. Box 192, Oranjestad, Aruba jobs@arubabank.com. All applicants will be handled in strict confidence.

www.arubabank.com



#ArubaBank90Years





ORANJESTAD -Diado- **Gleny's Corner** tabatin un
mingo marduga pafo di bringamento entre algun

Pela pafo di club y dos persona ilegal a core pa polis



persona, di biaha a despa-
cha patruya di Oranjestad
pa e sitio.

Na yegada di e patruya dos
persona a cuminsa core pa
polis, y aki e oficialnan a core
nan tras y a logra gara un di
e hombernan den Johan de
Witstraat y a keda deteni. E
homber a duna di conoce cu
el a core pa Polis debi cu e ta
ilegal. □



Estudiante di medicina ta asalta turista



ORANJESTAD – Diabi-
erna anochi, den area di
Radisson Hotel, por poco
algun turista a wordo
asalta pa un homber. Nan
a resisti contra e ladron y a
bringa cu ne.

tambe polis di strand a pre-
senta na e sitio. Aki nan a topa
cu e victima como tambe e
atracado. El a keda deteni.

Polis a constata cu e homber
aki ta un estudiante cu a bin
di exterior pa atende un di e
universidadnan di medicina
na Aruba. □

Despues cu a raporta na po-
lis, tanto polis riba bais como

BON DIA *Aruba*
Pa AVISO den nos Corant
aviso@bondia.com

**JOB
OPPORTUNITY!**

**Prestige
REALTY**

**JOB
OPPORTUNITY!**

*Prestige Realty N.V., a dynamic and market leading Real Estate Brokerage
and Property Management Company in Aruba is currently seeking a person
to fulfill within its rental division Prestige Vacations Aruba, the role of:*

Facilities Supervisor

Job summary: Oversee and visit all vacation properties to inspect, evaluate and diagnose
maintenance issues; subsequently coordinate and supervise third parties performing services
and/or repairs as per company instructions. Assist in rental operations where needed.

The person we are looking for:

- Has at least an MBO degree.
- Has technical insight and/or a technical background.
- Has at least 2 years of supervisory/managerial experience in a hotel/resort or
other service oriented maintenance and repair department/company.
- Has good knowledge of English and Spanish, both verbal & written.
- Has good computer skills using MS Word and MS Outlook as well as
experience with procedures related to maintenance and repair works.
- Has good organizational and leadership skills.
- Must be able to work independently, takes initiative and has self-discipline.
- Is willing to work irregular hours and on all days of the week, needs to be
ready to assist guests 24/7.
- Must be hospitable & customer service oriented.
- Is able to multi-task.
- Has good working ethics, is trustworthy and extremely reliable.
- Must have own transportation and live within 15 minutes drive from Low-Rise
hotel area.

We offer:

- Very competitive salary and secondary benefits.
- Excellent and unique growth opportunity.
- Fun & flexible work environment.

Are you ready for a challenge and willing to grow into a manager's position in the
future, and do you believe in your capabilities? Please send your application and
résumé to: rosita@prestigerealtyaruba.com or call **582-0509** for further information.

We take pride in the principles of the company division's slogan:
"It's not just a vacation, It's Prestige!"

Schotlandstraat 79, Office #4, Oranjestad, Aruba.

Hackers a horta 1 biyon dollar di banconan rond mundo

ORANJESTAD – Un grupo di hacker a horta 1 biyon dollar di banconan rond mundo. Esaki segun un compania di siguridad digital cu ta papia di un di e robonan mas grandi den historia.

E compania Ruso, Kaspersky Lab a divulga esaki ayera na e fuente AP. E hackers a infiltra mas cu 100 banco na 30 pais. Ora nan ta logra di drenta, nan ta siña lunanan largo con e sistema di e banco concerni ta traha. E hacker nan hasta ta tuma video di e empleadonan di banco pa siña con nan ta uza nan computer.

Momento cu e hacker nan sa con e banco ta opera, nan ta cuminsa horta placa sin atrae mucho sospecho. Nan tambe lo programa ATM pa asina por saca placa na cierto ora fiho y traha cuentanan falso pa traspasa placa riba nan. E grupo di hacker ta limita e sum ta 10 miyon cada biaha y esaki ta e motibo dicon banconan hopi biaha no ta ripara e traspaso ilegal a tuma luga.



Mayoria di e banconan afecta tabata na Rusia, Merca, Aleman, China y Ucrania. Pero tambe tin denunciacion haci na Asia, Arabia, Africa y Europa. Den un caso e banco a perde 7.3 miyon dollar ora a haci fraude cu ATM. Den un otro caso un instituto financiero a perde 10 miyon ora e hacker nan a drenta e sistema bancario online.

Motibo: placa

E compania Ruso ta bisa cu e personanan tras di esaki a comete e fraude aki primordialmente pa motibo di placa. Nan ta enfoca riba e banconan mes en bes e clientenan y e informacion. Pues no kier e informacion den cuadro di spionahe of pa bende e informacion. E compania no a menciona number di e banconan afecta. Pasobra e ta

traha hunto ainda cu autoridad den e investigacion. Mientrastanto ta bisa cu e banconan afecta a tuma medida necesario pa preveni atakenan nobo.

Aunke na januari e presidente di e compania di computer na Zuid Korea ta bisa cu no ta bala pena mas pa preveni cu hacker nan ta drenta bo sistema. Desde e momento cu Internet a cuminsa

crece, asina Kwon Seok-chul (riba potret), ta bisa e idea tabata cu nos por proteha nos computernan por medio di un cuarentena digital. Pero awor esaki no ta muestra di ta mucho efectivo mas. Pues e ta conseha pa laga hacker nan drenta y neutralisa nan momento nan ta den bo sistema di computer. E compania mes a desaroyo un sistema cu ta detecta hacker y por sigui

nan movecion momento nan a drenta. Zuid Korea tin hopi problema cu hacker pues e demanda pa solucionnan efectivo ta hopi grandi.

Aruba

Aña pasa tabatin un alerta internacional tambe pe region di Caribe momento cu tabatin señal cu hacker nan a cuminsa amplia nan tereno pe region aki. Companianan den e region aki hopi biaha no a inverti of no por inverti suficiente pa sigura nan sistema di computer.

Banconan entre otro tambe ta vulnerabel. Aña pasa Arubus tambe a entrega un keho cu pa motibo cu su cuenta a keda 'hacked' y un mey miyon florin a disparce. Pero e banco concerni CMB a nega cu un hacker a drenta su sistema. E banco, hunto cu e otro 3 banco cu ta miembro di Aruba Banker's Association, tambe a bisa cu nunca nan sistema a keda comprometi. Tin un investigacion penal ainda andando den e caso misterioso aki. □



Samsung Provides Innovative Smart School Classrooms to Aruba

Aruba (January 27th, 2015) – Samsung Electronics launched in Aruba its Smart School, an integrated platform that helps teachers to develop an interactive learning environment with its students. In partnership with the Ministry of Education, Samsung will be providing two schools in need with two Samsung Smart School classrooms, including the latest electronic devices and solution at no cost, offering a brand-new e-learning experience to students and connecting them to infinite learning possibilities.

“With the Smart School Project, Samsung continues to strengthen its commitment to society through the development of educational programs that transform the lives of young students in our countries, providing the most innovative technology tools to serve their development,” said Silvia Cuevas, Citizenship Manager for Samsung Electronics Latinoamerica. “We strongly believe that technology can create new learning possibilities for students, helping them along their way towards life-long learning and whole-person development in order to acquire the knowledge and skills needed in society today. In the region, during 2014, 27 schools and more than 22,000 students benefited from Samsung Smart School in 11 countries, with a total of 32 digital classrooms.”



Smart School, an initiative that Samsung developed in collaboration with the Ministry of Education and the Non-Profit Organization Glasswing International, is a project that provides students and faculty the technological tools to share content in a more interactive way through educational software. The project includes teacher training, performance monitoring, installation and maintenance of digital classrooms in participating schools and the use of reading comprehension software: Progrentis.

Aruba's Ministry of Education recognized that the Samsung Smart Schools are the best way to improve the education of its students and to acclimate the children of Aruba with the technology they need to succeed.

SAMSUNG

Organisado di anochi poetico : Judith Werleman

“E no a bay manera mi a pensa, pero mi ta sigur e proximo biaha lo ta miho”



ORANJESTAD – Dia 14 di februari Judith Werleman a tene un anochi poetico na Don Pincho's, cu e meta di recauda fondo pa su bukinan di scol. Aunke e anochi no a bay con el a spera y el a basicamente “break even” e ta conta Bon Dia Aruba, cu e kier sigui purba haci mas anochi poetico y promove arte.

E anochi a cuminsa trankilo, cu diferente artista ta declama poemanan. E anochi tabata parti den 3 pida, prome tabata tin poesia y un obra di teatro, despues comemento y e anochi a finalisa cu bailamento. Sra. Werleman ta bisa cu den 2 luna e kier purba haci un otro anochi di artistico, pero e biaha aki e lo



purba busca ayudo cerca Unoca tambe, sra. Werleman ta comenta.

“Por ta si tin otro instancia cu ta existente mi lo kier haci un reunion cu e artistanan pa e feedback y pa nan wak

e presupuesto con el a bay. E tabata un anochi exitoso pa mi y mi ta spera cu e artistanan tambe a sinti e asina. Mi a haya hopi reaccion positivo y publico ta pidi pa mas. Esaki ta super bon, e no a bay ful manera mi tin den mi vi-



sion, pero e ta hopi den e direccion ey, pa e motibo ey mi ta sinti cu otro biaha el lo bay miho.

Estudio

Manera Bon Dia Aruba a publica prome sra. Werleman a

conta cu e ta naci na Aruba e tin un yiu homber di 9 aña y un yiu muhe di 5 aña. Aworaki e tin 34 aña y dia cu el a haya sa cu na EPI nan ta tuma adulto, na careda el a bay. E ta den su di dos aña y falta 1 aña mas pa caba.

Ora e caba EPI e ta conta Bon Dia Aruba cu e ta desea di sigui studia. Tambe el a comenta: “Na comienso mi tabata traha y bay scol, pero e tabata hopi duro, vooral pa mi yiunan cu casi no tabata wak mi, pa e motibo ey mi a stop di traha.

Despues mi a keda un tempo chikito sin bay scol pa motibo cu mi tata a fayece. Awo mi a cuminsa pocopoco cu part-time, manera mi caba mi tin planea bay full time bek.” □

Prins y Prinses ‘recicla’ di Colegio San Nicolas

SAN NICOLAS – Dia-bierna pasa Colegio San Nicolas a tene pa di dos biaha e eleccion special pa Rey Y Reina (bovenbouw) y Prins y Prinses (onderbouw) unda e trahe di e participantenan ta forma e punto clave pa gana.

Aña pasa e scol avansa reintroduci e evento aki cu 30 aña pasa a tene como prome scol promoviendo conscientisacion. E metanan di e eleccion tabata y ta: stimula conscientisacion di uzo di material na fabor di e medio ambiente y trece mas igualdad entre homber y muhe. Pasobra mayoria biaha e muhe ta briya, pero e Prins y Pancho no ta haya mesun atencion.

E eleccion na Colegio Arubano si ta duna atencion na ambos pasobra e participantenan ta competi como



parecha. Lastima Bon Dia Aruba no a ricibi e resultadonan y potretnan di e Rey y Reino, solamente esun di Prins y Prinses. A resulta cu

Liraysa Maduro cu su Prins, Darishan Molina di CB-1 (Ciclo Basico 1), a gana e titulonnan real aki. Den siman Bon Dia Aruba lo publica e otro resultadonan.

Tres terminologia

Aña pasa e rector di e scol, Johnny Fingal, tambe a duna un bon splicacion di e tres terminologia relevante pa cu e eleccion aki. Pasobra awendia ainda hopi hende ta bruha esaki y asina e muchanan ta siña nan corecto. Den sentido cu den e simannan prome nan ta haya e splicacion aki durante les pa asina despues e lesnan ta ehecuta esaki den e preparacion pe eleccion. E klas completo ta yuda crea e trahe di e participantenan.

Reduci, reuza y recicla, kico nan ta? Reduci ta ora cu evita pa cumpra productonan cu no tin mester. Reuza ta ora cu uza e mesun producto



mas biaha den su forma original of ta cambia e producto y uz'e atrobe. Manera nos paña cu nos ta bisti tur dia. Recicla ta ora bo cambia cierto material por ehemplo glas, plastic y papel, y ta procesa nan y cambia nan completo do di mula of smelt nan. Pa despu-

es traha producto of material nobo cu e material. Papel machica ta un bon ehempel di esaki, e ta bisa.

Pero hopi biaha hende ta uza solamente e terminologia recicla. Asina e mensahe ta di Colegio San Nicolas. □

BON DIA *Aruba*

Pa AVISO den nos Corant

aviso@bondia.com

Na New York, Aruba a keinta algun curason riba dia di San Valentin



ORANJESTAD – Na New York, Aruba a keinta algun curason riba dia di San Valentin.

Esaki un articulo riba eturbonews ta conta. Riba Empire State Building 5 pareha a gana trip pa Aruba patrocina pa Aruba Tourism Authority (ATA).

Riba dia di San Valentin ultimo, mas cu 100 pareha a topa otro riba e Empire State Building na New York. E tabata un escenario masha romantico, ora cu Aruba a regala 5 pareha e trip di nan luna de miel. Cinco pareha a ricibi un trip di 6 dia y 5 anochi pa Brickel Bay Beach Club riba e isla.

Durante e anochi ey, Marvel Vilchez cu ta e director di Sales y Marketing na Brickel Bay a expresa cu nan ta spera di por ricibi e parehanan na Aruba y duna nan un bon bini. Aruba ta un destinacion hopi scogi pa romance. E isla ta wordo celebra pa su clima y su beyesa. Tambe su lamanan bunita. Parke Arikok, Conchi y demas atraccion. E CEO di ATA esta Ronelle Tjin Asjoe – Croes a comenta cu e tabata un honor pa e isla pa crea un momento special pa e parehanan aki riba top di Empire State Building. □





Sign Off &
TAKE OFF



**CUMINSA 2015 CU BO AUTO NOBO
PAGANDO PRIJS DI 2014...**

- Bo ta un cliente cu falta menos di 1 aña pa caba di paga bo prestamo di auto?
- Bo tin un excelente record di pago?
- Bo kier cumpra of reserva bo auto promer cu prijsnan subi?

Si bo a contesta e preguntanan aki cu "si",
bo por wordo aproba pa un "Sign Off + Take Off"

7.75%
P.A. DI INTERES
PA AUTONAN NOBO

**APROBACION
DEN 48 ORA**
PA CLIENTENAN EXISTENTE
CU RECORD DI PAGO EXCELENTE

Cera bo deal prome cu prijsnan subi! No tin gastonan scondi.

CERA BO DEAL VIA WWW.LOCKBODEAL.COM • YAMA NOS NA 522-3000

E promocion aki ta valido te cu 15 di maart 2015 y ta aplicable pa clientenan cu tin un record di pago satisfactorio segun exigencianan di Caribbean Mercantile Bank N.V. "Sign Off and Take Off" Car Loan su interes ta 7.75% p.a. y ta basa riba un prestamo cu duracion di 5 aña. Interes efectivo lo varia entre 7.15% p.a. pa prestamonan cu duracion di 6 luna te cu 7.69% p.a. pa prestamonan cu duracion di 6 aña. Un seguro di riesgo di Afl. 10.00 lo wordo suma automaticamente na cada pago mensual. Gastonan administrativo ta 2% di e suma total di e prestamo incluyendo interes y seguro di riesgo. Ciertu condicionnan ta aplicable na tur prestamonan. Den caso cu prestamonan personal of pa auto wordo cancela prome cu e termino acorda, Caribbean Mercantile Bank N.V. ta reserva e derecho di cobra un boet di 10% di e interes acorda durante ful e periodo cu a resta. Caribbean Mercantile Bank N.V. ta reserva e derecho di por cancela e promocion aki na cualkier instante. Caribbean Mercantile Bank N.V. ta ofrece un pakete atractivo di seguro B-Sure. Cualkier descuento cu ta relaciona cu añadi product- of servicionan na un pakete bancario completo ta un recompensa pa e cliente su lealtad. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.

Edad ta afecta nos sabor pa cuminda

Mayoria sabor fuerte ta wordo aprecia despues di 22 año

Adulto ta encanta come oleifi, blue cheese y anchovis, pero hopi tabata odia esakinan como mucha. Awo experto a descubri locual nan ta yama “gastronomic watershed”, e edad cu hende ta cuminsa gusta e asina yama ‘cuminda di hende grandi’.

For di e encuesta a sali cu un persona ta cuminsa experiencia cambio den su smaak di cuminda y ta cuminsa aprecia sabornan complica y fuerte manera keshi di lechi di cabrito, saus pica y awacati, ora cu e tin mas o menos 22 año. Keshi di lechi di cabrito ta keda algo cu e averahe di persona ta gusta te despues di su 28 año. Oester tambe ta algo cu no ta faborito bou di hobennan bou di edad di 21 año. E investigacion ta identifica 20 cuminda cu un persona mayoria biaha no ta disfruta di dje, te despues cu e ta den



su 20 año. Anterior, cientificonan tabata uza e teoria cu e cambio di smaak cu ta wordo experiencia segun edad ta subi, ta debi na e tantisimo “taste buds” cu ta stop di funciona den transcurso di tempo.

Averahe gusta cuminda

E top 20 cuminda di hende grandi y e edad averahe cu hende ta cuminsa gusta e sabor:

Keshi di lechi di cabrito (28), keshi Brie (24), augurk (19), anchovis (22), oleifi (25), saus chili (24), macrel (20), awacati (23), curry (20), asparago (23), garlic (19), oester (24), raddijs (21), “mussels” (21), keshi parmesan (21), “blue cheese” (22), bonchi kidney (20), spinazie (21), promenton (21) y berehein (21). Esaki ta resulta di un averahe di 22 año.

Babynan ta nace cu antoho pa cos dushi/zoet, manera e lechi di pecho cu ta yena cu sucu y vet. Muchanan tin mas o menos 30 mil “taste buds” den nan boca, locual ta haci cu nan ta sinti sabornan fuerte mas intenso den nan boca. Esaki ta splica pakico cuminda cu ta wordo prepara

Pa ora cu un mucha bira adulto, solamente un tercer parti di e “taste buds” ta resta, mayoria riba e lenga. Esaki ta splica e ora ey si pakico adulto por tolera sabornan fuerte.

Segun e encuesta, mayoria persona ta haya dificil pa aprecia e sabor fuerte di e macrel durante infancia y hasta como teenager. Cu e keshinan mas fuerte esaki tambe ta e caso. Mayoria hende ta cumpli 21 año prome cu nan aprecia sabor di keshi parmesan, y otro nan ta cumpli 22 año prome cu nan gusta come “blue cheese”.

Similar, mayoria hende no ta aprecia e sabor di curry te despues cu nan pasa e edadnan como teenager. Locual tambe a resulta remarcabel ta



special pa baby y muchanan chikito. Hopi biaha ta mas simpel y sin sabor. E teoria aki tambe ta splica pakico cumindanan cu muchanan no ta gusta cuminda tin hopi sabor.

un gran cantidad di berdura cu no ta faborito na edadnan abou.

Spinazie, garlic, bonchi kidney y promenton ta algun berdura cu no ta apela na personanan menor di 21 año. □

Cientificonan:

Baña tur dia no ta recomendabel

E estudionan mas recien di cientificonan tin hende pensando si nan ta bay trece cambio den nan rutina di bañamento. Investigacion haci a saca afo, cu bañando a base diario por ta causando mas daño na e curpa cu bon. “Nos ta baña di mas den e epoca aki” e científico di Boston Ranella Hirsch a bisa. Esaki segun e científico ta debi na normanan di sociedad.

Nos ta wordo lanta pa nos mayornan, amistad y media cu constantemente ta bisa cu

mester baña feita, shampoo entre otro, pa keda fresco y hole dushi. Pero e berdad ta, cu bañando 1 biaha pa dia ta seca cuero y ta elimina azeta cu ta bin natural y cu ta esencial pa e cuero, sra. Hirsch a bisa.

Dermatologonan ta bisa, mas tanto biaha bo laba bo curpa, special si haci uzo di awa cayente, mas chens bo tin pa seca y irita bo cuero. Bo por ta labando bacteria bon cu ta yuda e cuero, causando crack den cuero cu por coy infeccion. Dermatologo ta recomenda pa baña aproximadamente 10 minuut cada 2 pa 3 dia den

awa lauww.

Joshua Zeichner, dermatologo ta bisa: “locual ser humano ta percibi como holo malo di curpa, ta un fenomeno cultural.” E tambe ta sostene e argumento cu sociedad ta baña demasiado y cu esaki ta causante di hopi hende cu tin problema cu cuero seco. Algo cu sigur no ta recomendabel ta, pa no baña baby y mucha chikito tur dia pa motibo cu e bacterianan ta necesario pa yuda contra formacion di alergia.

E especialista a sigui splica cu



si e cantidad consehabel pa baña ta mucho drastico mirando e cantidad di actividad fisico, clima y otro factornan cu ta varia pa persona, esaki no ta un excuus pa hole stinki. Pa esaki no sosode

por laba e partinan di curpa cu ta susha y haya mal holo, manera cara, cocodek, genitalnan y parti patras. Tambe algo importante ta pa cambia paña di abou (panty, jockey) diariamente. □

Mal gobernacion, maneho intencional

E dos organonan di control financiero di pais Aruba, es ta Servicio Central di Accountant (CAD) y Controlaria General (ARA) ta muestra den practicamente tur nan rapportnan riba e caos financiero den e departamentonan di gobierno. Ademas nan ta indica cua paso mester tuma pa mehora e situacion.

Asina mes, tur partido cu a goberna Aruba a negligha sistematicamente e recomendacionnan pa mehoracion. E motibo ta simpel: cu transparencia y control e posibilidad pa 'haci wega' cu e entranan enorme di impuesto ta bira hopi facil. No ta por nada cu ARA ta declara den su rapport tocante e Investigacion di Fondo Desaroyo Nobo San Nicolas cu "control tin un efecto preventivo y represivo. Esey no ta tuma luga como cu control intensivo di e cuentanan anual no ta tuma luga; e chens pa atrapa esunnan cu ta comete irregularidad ta reduci practicamente te na cero". En general peticion pa papia riba cuenta anual atrasa, donacion na pais Aruba, campaña di promocion, nombramento di personal pa ARA y admision di personal di CAD na servicio di gobierno tampoco no sa haya mucho atencion di parti di e minister presidentenan y e ministronan di Financia. Pues pa cada gobierno, ni importa su color politico, control ta(wata) un taboe grandi. Pasobra esaki ta e punto prin-

cipal: control ta nifica fin di 'hacimento di wega' cu placa di pueblo. Y den mundo politico ningun hende ta ansioso pa drecha esaki.

Durante mayoria parti di Status Aparte, nunca Parlamento a trata e rapportnan di ARA. E tantisimo eror- y asuntunan ilegal cu a constata, a keda sin coregi. Consecuentemente tur aña e perdidanan financiero pa comunidad a sigui aumenta. Y e rapportnan mes a bira cada bes mas diki pa motibo di e repeticionnan sin fin. Asina ARA a declara tocante e cuentanan anual di Aruba di e añanan 1997-2001 (es ta durante gobernacion di AVP) cu: "E cuentanan anual manera Departamento di Financia a entrega nan no ta controlabel, o sea no por controla nan na un manera eficiente. E organizacion administrativo y control interno di Departamento di Finanzas (es ta nos instancia financiero di mas halto!) y henter e aparato gubernamental ta (hopi) defecto y ta funciona 'at all' of hopi deficiente. Consecuentemente no por confia riba e cuentanan anual den caso di control".

Caos

Como cu e cuentanan anual hopi biaha no sa sali mes of sa bin disponibel hopi aña despues, nan ta perde hopi di nan relevancia, specialmente si resulta cu ta falta informacion y documentacion importante. CAD ta mira su mes confronta cu un

caos di dato financiero di lo cual ta imposibel pa destila na ki manera realmente a gasta e medionan financiero di Aruba. Consecuentemente CAD no por bay mas leu di duna un 'evaluacion global'. En realidad e partidonan politico no tin ningun interes pa entrega e cuentanan anual na tempo: asina lo sali na cla den ki grado nan a faya. Pasobra dificilmente nan por responsabilisa pakico un fayo presupuesta di p.e. Afl. 80 milyon en realidad a aumenta ta na Afl. 200 milyon...

Un pais chikito manera Aruba cu un presupuesto di apenas Afl. 1,5 biyon tin un atraso di varios aña cu su cuentanan anual. Mescos ta conta pa varios empresa di gobierno. Djis pa compara: un empresa cu ta genera biyones di Euro manera Philips ya caba pa fin di januari 2015 ta entrega e cuenta anual di e aña anterior (es ta 2014). Merca tin 3 luna pa pone su cuenta anual disponibel. Hasta ta bira mas normal cu pais ta produci cada 3 luna di e aña coriente cifra confiabel pa evalua si ta ehecuta debidamente e maneho cu a stipula. Asina ta bira posibel pa coregi di biaha si e maneho ta faya. Pa pais manera Aruba un control intensivo asina no ta ningun luho di mas.

Ignorante

Ta hopi straño cu Ministerio Publico ta saca gerente di empresa priva cu no por responsabilisa nan mes den

caso di perdida di suma hopi mas chikito, for di bida publico pa refleha den soledad riba nan picanan.

Pa gobernante cu no por responsabilisa sumanan hopi mas grandi of ta ehecuta maneho cu consecuencia negativo grandi pa comunidad, un mayoria di nan propio partidistanan den parlamento ta dicidi riba legitimidad di nan actonan. Mayoria parti di e partidistanan aki no ta dispone di e conocimiento huridico y/of financiero necesario pa husga e actonan di nan gobernantenan debidamente.

Esey ta conta mas ainda pa mayoria di e pueblo votado, cu no solamente casi no tin ningun idea di e obligacionnan di gobernante y nan controlado (esta Parlamento), pero riba dje e politiconan ta mantene nan votadonan completamente ignorante tocante nan actividadnan financiero.

Di e manera aki nos democracia a devalua pa un sistema na unda un grupo chikito di gobernante, na un manera completamente legal (es ta cu ayudo di 'nan' parlamento), ta hinca nos pais den un abismo, sin ningun consecuencia pa nan mes.

No ta por nada cu CFT tin hopi critica riba e intencion di gobierno pa economisa mas ainda riba e gastonan pa e institutonan halto di estado. Pasobra ta hustamente e institutonan aki ta esunnan mas importante pa controla e maneho financiero. Ya caba ta practicamente imposibel pa nan cumpli cu nan tarea pa motibo di falta di personal cualifica.

Si ta economisa mas ainda riba nan presupuesto, ta bira mas dificil ainda pa eherce nan funcion di control. Di otro banda esey ta un bentaha grandi pa nos gobernantenan... □



Banco Central di Aruba:

Yvonne Escalona ta miembro nobo di hunta di comisario

**ORANJESTAD - Drs. Yvonne H.M. Escalona a hura-
menta dilanti di Gobernador Interino di Aruba, Señora
Alicia Yarzagaray, como miembro di Hunta di Comisario di Banco Central di Aruba**

Segun un comunicado di e banco, e organo aki ta encarga cu supervision di Banco Central. Sra. Escalona ta register accountant y alavez a studia bedrijfseconomie. Su persona tin experiencia amplio riba su terenonan. El a traha hopi aña pa Ernst & Young Accountants tanto na Hulanda como na Aruba. Tambe el a duna les varios aña na Katholieke Universiteit Brabant y na Universidad di Corsou.

E ultimo 10 añanan e ta den servicio di Visser Corporation N.V. como CFO. E Comisario nobo di Banco Central ta activo riba tereno social tambe, actualmente como presidente di Fundacion Cas Marie. □



Dangui Oduber(MEP)

E cantidad di barconan Cruzero lo cay cu 25% aña 2015

ORANJESTAD - Un reunion cu Ahata cu a wordo yama door di e comision fiho di turismo. E reunion aki a bay den bon ambiente y nos fraccion kier a gradici e miembronan di directiva di Ahata pa nan disponibilidad y tambe pa nan honestidad.

Durante e reunion aki Ahata a comparti nan vision y tambe a suministra nos cu hopi informacion valioso. E tawata un reunion hopi fructifero caminda a comparti hopi informacion valioso cu miembronan di parlamento. Como bon Arubiano nos tur kier nos turismo florece y bay bon pero nos ta lamenta profundamente cu e minister di turismo Otmar Oduber no ta transparente cu pueblo y no ta sincero cu e pueblo.

E minister aki kier haci como si fuera turismo ta bayendo hopi bon pero en realidad esaki no ta e caso. Aña 2014 a cera cu un caida di 4% den turismo Cruzero

compara cu aña 2013. Ningun dia nos a tende e minister aki papia di e caida aki. Lo unico cu e minister ta papia di dje ta e yegada di 1,000,000 turista. Dicon te awe e no a papia di e caida den nos turismo Cruzero? Dicon te awe e no a splica dicon e cantidad di callnan y tambe e cantidad di turistanan Cruzero a cay compara cu e aña prome?

Durante e reunion cu Ahata nos a wordo informa cu e aña aki lo bay bira hopi dificil pa nos turismo. Muy en special nos turismo Cruzero. Nos a wordo informa cu e aña aki e cantidad di barconan Cruzero cu ta bin nos pais lo cay cu 41 barco y esaki lo ta un caida di 25%. Mirando cu turismo ta nos unico pilar economico nos ta lamenta profundamente cu minister di turismo no a compara e noticia aki cu miembronan di parlamento. Esaki ta algo hopi serio mirando e caida dramático cu ta bay tin. Nos ta lamenta tambe cu nos a reuni cu APA N.V. y na ningun momento

nan a menciona esaki. Ta deber y obligacion di e minister di turismo pa informa comunidad manera mester ta.

Nos ta hopi preocupa cu e desaroyo aki mirando cu un caida asina aki sigur lo bay afecta nos economia. Tourbus nan lo wordo afecta, tiendanan den Caya G.F. Betico Croes lo wordo afecta, taxistanan lo wordo afecta, restaurantnan y joyerianan lo wordo afecta y e minister di turismo ta den un silencio hermetico over di e asunto aki.

Nos ta exige e minister di turismo Otmar Oduber bin duna cuenta na pueblo si en realidad e cantidad di barconan Cruzero lo bay cay cu 41 call e aña aki. Si esaki ta e caso, dicon e no a informa e pueblo aki? Kico ta e motibo pakico e cantidad di barconan Cruzero cu ta bin nos pais a ta cay asina aki?

Loke tampoco minister Otmar Oduber a informa nos pueblo ta cu e 6 companianan grandi di Cruzero ta reduci-



endo nan cantidad di callnan pa Aruba. E unico compania di Cruzero grandi cu a aumenta e cantidad di callnan pa Aruba ta Carnival Cruiselines pasobra nan a wordo paga un cantidad di placa pa bin Aruba! Esaki ta otro informacion cu Ahata a trece dilanti durante e reunion pero nunca nos atende minister Oduber papia over di esaki. E prome luna di aña 2015 ya caba ta duna bo un bista di con e aña lo desaroya ariba

turismo Cruzero. E cantidad di callnan a cay na januari 2015 cu 8 compara na aña 2014. Esaki ta un caida di 16%.

E cantidad di pasaheronan Cruzero a cay cu 19,652 pasahero e prome luna di aña 2015 compara cu e prome luna di aña 2014! No solamente e gobierno aki ta cabando cu nos pais financieramente pero awor ta cabando cu nos unico pilar economico. □



ORANJESTAD: segun sra. Arends-Reyes kende ta presidente di comision di Turismo a tuma nota di un articulo di sr. Dangui Oduber caminda cu e ta bagatelisa e reunionnan di comision fiho di Parlamento y ta bisa cu e no mester atende e reunionnan di comision pa haci su trabou.

Esaki ta su prerogativo naturalmente pero sigur ta di lamenta un expresion asina.

Ponencia croneo:
Un ponencia croneo den e mesun articulo di sr. Dangui

Oduber cu ta bon pa aclarar ta cu e ta bisa cu e Minister di Turismo ta dicidi pa e comision e agenda y cerca ken ta bay. E ponencia aki ta sumamente absurdo mirando cu nos tin un Minister di Turismo cu tin un agenda di su mes sumamente ocupa. E ta trahando sumamente duro y cu excelente resultado pa e industria di Turismo como gobernante y ehecutivo y ta dificil pa e resta tempo tambe pa bay 'micro manage' otro asuntonan. E comision di parlamento di Turismo di e aña aki tin su mesun planificacion y kier contribui den forma positivo na e metanan

Jennifer Arends-Reyes (AVP)

Reunionnan di Comision fiho ta contribui na miho funcionamiento di parlamento

di e industria, dor di scucha partner y participa na e discusionnan relevante pa e sector y ta activo, esaki den beneficio di un miho funcionamiento di parlamento.

Comision ta traha segun planificacion:

Ta asina cu na comienso di e aña parlamentario, e comision di Turismo a sinta pa haci un planificacion di trabou hunto cu su miembronan presente. Den e reunion aki a trece dilanti un lista di partner cu lo ta desea di acerca pa crea un relacion cu nan pa asina nos tin mas informacion y reunionnan directo cu nan y si tawatin cualkier otro sugerencia e lo a wordo tuma na cuenta.

Structura y oportunidad unico pa dialoga riba nivel parlamentario:

Un comision fiho di parlamento ta consisti di miembro di tur fraccion y e ta e idea pa nos por traha, dialoga y intercambia idea hunto na momento cu nos ta ricibi of bay bishita instancianan of entidadnan. Tur parlamento na otro paisnan tin comisionnan

fiho y e miembronan mester por tin madurez politico y pone nan diferencia di opinion na un banda of nan orguyo pa por sinta hunto y dialoga riba topiconan na bienestar di e pueblo. Semper por haci otro bishitanan politico di fraccion banda di esunnan di comision pero un reunion di comision Parlamentario tin un meta diferente. E ta crea un estructura y oportunidad unico cu por sinta na mesa pa dialoga abiertamente cu instancianan of entidad riba cierto topiconan cu representante di tur fraccion.

Etica di con pa anda cu informacion ricibi:

E reunionnan di comision tin un caracter confidencial y locual ta wordo discuti den nan ta keda como informacion pa e miembronan di e comision. E informacion por wordo uza pa haci pregunta na e Minister encarga of por uza e informacion den mocionnan of aumenta na momento cu e tin relacion cu un ley. Of den casonan urgente por manda un recomendacion di e comision pa un Minister.

Usualmente e presidente di comision ta duna informacion general di e reunion den prensa y miembronan tambe por duna un impresion general pero no te den detaye cu ta compromete e invitado publicamente. Ultimamente por a tuma nota, cu no ta tur miembro ta haci caso di e regla aki y ta saca delaster un detaye di e contenido di e reunion, hasta saca informacion di contexto y pone e invitado, instancia of entidad 'on the spot' pa motibo cu nan kier saca probecho politico. Na otro paisnan bo no por saca asina hopi informacion interno di un reunion asina. Na Aruba nos tin e regla pero ta kere tambe den transparencia y duna espacio democratico te na un cierto limite pa reunionnan asina, pero no mester haci mal uzo di esaki, pa troce cifra, informacion y pone e invitadonan 'on the spot' si ta algo serio cu mester bay evalua ta con nos lo kier continua pa motibo cu e informacion pa nos ta valioso y nos no por dañá bon relacion di confianza cu e instancianan of entidadnan. □

*Xiomara
Maduro(MEP)*
**Gobierno
mester fia
mas di
300 miyon
florin**

ORANJESTAD – Siman pasa Minister Bermudez a bin duna cuenta den Comision Financiero di Parlamento riba presupuesto 2015 y e rapport di CFT. E presupuesto pa 2015 no ta cla ainda, pero Minister Bermudez a presenta algun cifra cardinal di e presupuesto.

Asina e mandatario a duna di conoce cu den 2015 gobierno tin un necesidad financiero di mas di 300 miyon florin. Esaki ta e placa cu Gabinete Eman mester bay fia riba mercado internacional pa por haya lora gobernacion. E deficit pa 2015 ta na 183 miyon y gobierno lo mester paga 202 miyon florin na gasto di interes. E debe a yega 4 mil miyon florin y di cada florin 80 cen di Pueblo mester bay pa paga debe. Mester remarca cu e suma aki no ta inclui e debenan di proyectonan di PPP.

Ta bon pa sa cu na 2009 nos debe tabata na 2,1 miyon y di cada florin un averahe di 40 cen di Pueblo tabata bay pa paga debe. Segun investigacion di IMF, pa un economia manera esun di Aruba di cada florin 35 pa 40 cen por bay pa paga debe.

Asina cu bo supera e situacion na unda cu di cada florin 60 cen ta bay pa paga debe, esaki ta stroba y te hasta ta stanca e crecimiento economico di bo Pais. Nos Pais na man di Gabinete Eman mester fia mas di 300 miyon florin pa 2015 y ta drenta den e situacion na unda cu mas di 80 cen di cada florin ta bay pa paga debe.

E situacion aki no ta sostenibel y ta causa daño na e economia di Aruba. E cifranan presenta pa Minister Bermudez ta splica dicon e economia di nos Pais no ta draai mesun bon cu e propaganda di Gabinete Eman ta sugeri. □



Moringa Pure Moringa Oleifera Puro

Moringa ta posiblemente e mata mas asombroso cu a yega di wordo studia y segun esunnan cu sa e ta e mata cu mas ta duna bek den naturalesa. Tin hopi peticion pa un bon fuente di Moringa y esunnan cu ta uza Moringa caba hopi biaha ta considera pa piki'e for di e mata cu ta aparece hopi den nos vegetacion local. E realidad ta cu djis corta e mata y traha un te no necesariamente ta e miho manera pa saca e maximo probecho di Moringa e mata milagroso conoci pa su efectonan di sanacion. Moringa Pure di Only Natural ta scoge e blachi nan ora nan ta jong, ta seca nan den un forma natural y ta mula nan di manera cu e por wordo digeri facil. E puero aki ta wordo hinca den un capsula vegetariano y ta wordo poni den un boter color scur pa preserva su potencia. E nutriente nan hopi denso di Moringa Oleifera ta haci e suplemento un fuente natural di vitamina, mineral y antioxidante poderoso. E Moringa Pure di Only Natural Inc., no tin aditivo ni preservativo.

- Apoyo nutricional pa wowo y cerebro
- Promove e structura celular di e curpa
- Contenido halto di vitamina y mineral
- Apoyo nutricional pa un cuero saludabel
- Apoyo pa higa y riñon saludabel
- Por yuda alivia inflamacion
- Aumenta e concentracion y atencion
- Promove metabolismo
- Rico den antioxidante
- Promove digestion
- Aumenta energia y stamina
- Por yuda mehora circulacion

Moringa ta yen di nutriente, antioxidante y proteina saludabel y ta un fuente natural di Calki, Potasio, Vitamina A, B,C,E, antioxidante, flavonoids y nutriente. E ta stimula e nivel di hemoglobina den sanger y ta contene un cantidad significante di hero, cual ta fortalece e sistema inmunologico. Moringa por yuda mantene cuero sano, mantene nivel di sucu den sanger, presion, alivia hinchamento y calma sistema nervioso.



ONLY NATURAL
Est. 1986

**Moringa Pure ta obtenibel exclusivamente
na Nature's Discount, bo cas di nutricion.**

Nature's Discount
NUTRITION CENTER

Palm Beach 6D - Tel: 586-0776
Seroe Blanco 19 - Tel: 588-5380
Pos Chikito 100A - Tel: 584-0336

nature@bosalud.com
f Nature's Discount Aruba



PASA LAGA BO AVISO DI LOKE BO KIER BENDE, HUUR, ETC NA OFICINA DI BON DIA ARUBA WESTSTRAAT #22 OF MANDA BO AVISO VIA EMAIL NA: michael.arends@cspnv.com

PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM

TE HUUR

Apt met 1 slaapkamer, keuken & eetkamer. Omgeving van Superfood. Water en electra niet inbegrepen Cable Tv en gas inbegrepen voor AWG. 1.160 p/m 1 maand deposit
Info: 593-9145

FOR RENT

One bedroom apt ,kitchen & dining room, furnished. Private entrance, close to Superfood. Water & electricity not incl. Cable & gas incl. Awg. 1.160 p/m plus one month dep
For info call 593-9145

TA BENDE

Set di sala Afl. 450,- set di cama queen size di palo puro Afl. 550,- Pa mas informacion
Tel: 586-7163 / 563-4687

SERVICIO PUBLICO

Nos ta fura tur tipo di muebles y nos lo laga nan manera nobo back. Pa mas informacion
Tel: 5621199 / 5921252.

SERVICIO PUBLICO

Ta duna credit di 10 luna. Ta fura y spuit tur tipo di muebles. Palm Beach #5, dilanti Subway.
Tel: 593-2655 / 742-5853

TA BENDE

Scooter den perfecto condicion (2007) Bon prijs!.
Tel: 594-9069 / 569-0125

SERVICIO PUBLICA

Señora cu firma liber ta ofrece pa haci oficina of cas limpi.
Tel: 568-2806

TA BENDE

4 cashi di paña (bon prijs) 1 cacho fila brasilera (6 luna). Pa mas informacion
Tel: 561-7112

TA BENDE

I-phone 4S 16GB open phone black nobo pa Afl. 500,- cu case. Pa mas informacion
Tel: 745-5550

TA BENDE

Ganga un Eton Vipper 70cc año 2000, bon condicion pa Afl. 2500,- discutibel. Pa mas informacion
Tel: 732-0697

TA BENDE

Cama Queen den perfecto condicion hopi bon prijs. Pa mas informacion
Tel: 594-9069

TA BENDE

Suzuki Baleno 2000, body den bon condicion, jega start y bay cune, tire nobo. As is where is. Afl. 2.300,- Pa mas informacion
Tel: 563-7049

TA BENDE

Un Suzuki Swift VVT 2009, std, cu airco den bon condicion. Pa mas informacion
Tel: 594-1015

TA BENDE

Suzuki Esteem 2004, Afl. 1.500 (as is where is). Pa mas informacion
Tel: 641-4612

TA BENDE

Un cashi paña di 3 porta pa Afl. 300,- y un stoel recliner pa Afl. 600,- Pa mas informacion yama
Tel: 568-3185

DUSHI CUMINDA

Liliana tin cuminda tur dia na Jhonson's Supermarket San Nicolas desde 11am - 1pm tur cuminda acompaña cu un sopi pa solamente Afl.12,50 Pa mas info of pedido yama
Tel: 749-5008

TA BENDE

Pa mucha, hopi sorto di cos di hunga, buki, y mucho mas. Nobo y uza, bon pa crèche. Y tin pa regala tambe.
Tel: 7350737

TA BENDE

Patriot Mag Drive NOBO! MD1200-1200GPH Koi Pond & Waterfall Pump. Awg. 295 o.b.o. Pa mas informacion
Tel: 732-1104

SERVICIO PUBLICO

Nos ta traha cura, drecha muraya, verf cas y dak, pleister den temporada di Nov. y Dec. Pa mas informacion
Tel: 564-3588

SERVICIO PUBLICO

Pa hasi cas limpi y pa strika pa mitar dia. Pa mas informacion
Tel: 743-5966

TA BENDE

BBQ Grill"made In Aruba"duradero, Tipo "bari" Afl.275,-/cilindro cu tapa pa Afl.250,- **Tel: 593-8182**

TA DUNA LES

Les di hulandes y papiamento pa mucha di kleuter, Basic school. Yama despues di 2'or. Pa mas informacion
Tel: 592-5090 / 583-7381

TA BENDE

Un Hyundai Sta Fe 2003, Std, Bon condicion pa solamente Afl. 6.500,- Pa mas informacion yama
Tel: 731-8695

TA BENDE

Un Instrumento musical bon prijs, 1 manolin, 2 cuarta (1 profesional) 1 Harpa. Pa mas informacion yama
Tel: 594-9069 / 569-0125

SERVICIO PUBLICO

Ta duna servicio pa baña y cuida hende grandi na as y tambe laba herida. Pa mas informacion
Tel: 748-5818

SERVICIO PUBLICO

Pa huiswerk begeleiding y bijles den area di Pos chiquito entre 4 - 6or pm. Pa mas informacion yama
Tel: 593-7784

SERVICIO PUBLICO

Ta duna servicio di hasi cas, oficina y locals limpi. Ta cobra pa hora di trabao. Pa mas informacion
Tel: 600-8714

TA BENDE

Riba GANGA un cama di baby den bon estado marca Legacy. Pa mas informacion
Tel: 561-4519


TA BENDE

Matanan di fruta, sorsaka, mango, papaya, tambe motorcycle (scooter) 2007 bon condicion Corchon queen size. Pa mas informacion
Tel: 594-9069

LES DI LANDAMENTO

Priva of den grupo, mucha di 3 año bai ariba. Nos ta prepara mucha pa tur diploma. Profesional den e ramo. Pa mas info.
Tel: 594-9069

BO TA BENDE, HUUR OF BUSCA CUALKIER ARTICULO, NOS TA OFRESE UN SERVICIO UNICO Y RAPIDO.



Advertorial

Aruba Bank a premia trailernan mas creativo riba ruta di carnaval

ORANJESTAD - Den cuadro di nan celebracion di 90 año di existencia riba nos isla, Aruba Bank a anuncia un campaña special den cual ta regala premio "cash" na e trailer mas creativo riba e ruta di parada di carnaval di Oranjestad.

3 ganado tabata sumamente contento cu nan premio. Pa

participa mester a demostra creatividad carnavalesco den decora trailer/kavel uzando e slogan y e logo di celebracion di e 90 aniversario di Aruba Bank. Riba e ruta por a mira diferente creacion masha yama-tivo y original, haciendo uzo di e logo y tambe di e colornan original di Aruba Bank. A haci uzo di hopi talento y creatividad pa decora kavelnan

"Celebrating our journey..... Inspiring the future".

E ganadonan di e competencia di trailer/kavel di carnaval a ricibi nan premio den forma di placa efectivo pa por disfruta di dje den cumpra locual ta necesario pa celebra carnaval na un forma mas comodo y yena di alegria. Aruba Bank a ricibi un cantidad di potret via email, di



tur trailer/kavel y por menciona cu e competencia tabata fuerte!

Aruba Bank ta gradici tur

esunnan cu a participa y ta spera cu henter comunidad a sa di disfruta di un dushi fin di siman largo di Carnaval. □



Tel: 593-0857 / 588-6699 / 560-1403
Fax: 588-6698

Señor ta mi wardador, mi'n tin falta di nada,
den cunucu di yerba berde. E ta pone mi sosega.
E ta hiba mi na awa trankil, pa mi bolbe haya
forza.

Salmo: 23.1

Cu inmenso tristeza na nos curazon, pero conforme cu voluntad di Dios nos ta participa fayecimiento di:



Elvelita Cadet

★07-08-1955 †03-03-2015

Acto di entierro lo wordo anuncia despues



Tel: 593-0857 / 588-6699 / 560-1403
Fax: 588-6698

Señor ta mi wardador, mi'n tin falta di nada,
dencunucu di yerba berde. E ta pone mi sos-
ega. E ta hiba mi naawatrankil, pa mi bolbe-
hayaforza. Salmo:23.1

Cu inmensotristezanamoscurazonnos ta par-
ticipafayecimiento di:



Martin F. Tromp
mihorconoci como "Maikito"

★11-11-1952 †14-02-2015

Acto de entierro sera anunciadodespues.

"Señor ta mi wardador, mi n' tin falta di nada;
Den cunucu di yerba berde, E ta ponemi sos-
ega. E ta hibami na awa tranquil, pa mi bolbe
haña forsa."
Salmo 23:1,2,3

Cu inmenso tristeza na nos curazon, nos ta
participa fayecimiento di:



**Sra. Vda Garnette
Bernadette Hill**
mihorconoci como: "Janette"
Vuida di Winterdal
★20 Aug. 1946 †14 Feb. 2015

Dia y ora di entierro lo wordo anuncia despues



Tel: 593-0857 / 588-6699 / 560-1403
Fax: 588-6698

Señor ta mi wardador, mi'n tin falta di nada,
den cunucu di yerba berde. E ta pone mi sos-
ega.

E ta hiba mi na awa trankil, pa mi bolbe haya
forza.

Salmo: 23.1

Cu inmenso tristeza na nos curazon, pero conforme cu voluntad di Dios nos ta participa fayecimiento di:



Franklin Maduro
Mihorconoci como "Frank"
Ex trahador di Divi Divi Hotel
★23-11-1944 - †13-02-2015

Na nomber di su

Esposa: Virginia Maduro-Toppenberg

Su rumannan: Teresita, Esposo y yiunan
Edna, Esposo y yiunan
Mirna, Esposo y yiunan
Ivan Sicleo Jansen

Su cuña y swanan:Magna Maduro y yiunan
Norma Toppenberg
Francis Toppenberg
Hector Felicia
Albino Toppenberg

Sobrino y sobrinanan, Ihanan na Aruba, Cor-
sow y Hulanda

Rumannan di Iglesia Jesus Bo Speranza nobo y
nos Pastoor Tirso kolfin y famia

Su amigonan nan di Divi Divi Hotel y tur su
conocirnan cu ta mucho pa menciona.

Demas famia: Maduro, Toussaint, Garcia,
Merce, Toppenberg, Albertus, Steensma, Ba-
lootje, Valeriano, Van Cleef, Jansen, Felicia,
Helder, Koeiman, Burleson, Martis, Marti-
nus, Orman, Middendorp, Filé, Werleman,
Davelaar, Eleonora, Kelly, Thode, Candelaria,
Koolman.

Ta invita pa e acto di entierro cual lo tuma lugar
diahuebs 19 februari 2015 na Aurora Funeral
Home di 2'or pa 4'or di atardi. Despues lo sali
pa Santana Central Sabana Basora.

Disculpa nos si den nos tristeza nos por a lu-
bida un of mas famia

Lo bai tin un box disponible na Aurora Funeral
Home pa un bunita gesto.

Nos ta lamenta cu pa motibona di salud no por
ricibi condolencia na cas despues di entierro.



Tel: 593-0857 / 588-6699 / 560-1403
Fax: 588-6698

He shields me, though I may not always see the
many ways the Lord delivers me...He holds me
in the hollow of His hand

He reached down from on high and took hold
of me...

Psalm 18:16

Op 11 februari 2015 is vredig van ons heen-
gegaan mijn liefhebbende echtgenoot, onze
lieve vader, opa, broer, schoonbroer, en OOM

Herman Schotborgh (Henk)
Curacao 30 mei 1927- Aruba
11 februari 2015

Namens zijn echtgenote: Elba Schotborgh-
Llach

Kinderen:

Hensey en Marietta Beaujon-Schotborgh
Anneliese en Eric (Ricky) Ponson-Schotborgh
Iliana Schotborgh en †Bart Pasman

Broers en Zus:

Ilse en Herman Mense-Schotborgh
†Boedi en †Netty Schotborgh-Gerritsen
Jan en †Emy Schotborgh-Kuiperi

Kleinkinderen: Christy, Renee, Curtis, Mary-
Ann, Jonathan, Allyson, Gabrielle, Ilse, Emma,
Lisa

Nichten en Neef : Inga, Borgred, Jennifer
†Johnny, Monique

Families Schotborgh (Curacao), Hellmund
(Sint Maarten, Nederland, Engeland), Beaujon
(Curacao, Aruba), Ponson (Aruba), Kuiperi (Aru-
ba), Marugg (Nederland), Spapens (Nederland)
Met dank voor de goede zorgen aan Staf en Per-
soneel van Cas Cristelle

Gelegenheid tot afscheid nemen van Henk op
18 februari 2015 van

9 am-11 am bij Aurora Funeral Home, waarna
de crematie zal plaatsvinden in besloten fami-
liekring.

In plaats van bloemen zal een donatie aan Kin-
derhuis Imelda Hof op prijs gesteld worden.

Oración De San Francisco De Asís

Señor hazme un instrumento de tu paz,
Donde haya odio siempre yo tui amor ;
Donde haya injuria perdón ;
Donde haya duda fe ;
Donde haya desesperación esperanza ;
Donde haya oscuridad dejame traer luz
y Donde haya tristeza alegría.

Oh divino Maestro, concédeme que no busque
Ser consolado sino consolar ;
Ser comprendido sino comprender ;
Ser amado sino amar.

Es dando que recibimos ;
Es perdonando que somos perdonados ;
y Es muriendo que nacemos a la vida eterna.

Amén



Aurora Funeral Home

Tel: 593-0857 / 588-6699 / 560-1403
Fax: 588-6698

Cerca Dios so mi alma ta na paz
ta di Dj'E mi salbacion ta bini
E so ta mi baranca y salbacion,
mi forti-nunca lo mi no tambalia.
Salmo 62 : 1,2

Cu inmenso tristeza na nos curazon pero
agradecido na Dios, pa tur locual
cu e la significa pa nos, nos ta participa fayecimen-
to inespera di :



Aida Maria Croes
Mihor conoci como: "Machi Aida"
*25-07-1923 †12-02-2015

Yiunan: Roslien y Roly Werleman
Ilvia y Symon Winterdaal
Edwin y Chinda Croes
Hubert y Mariana Croes

Nieto (a)nan: Cedric y Grace-Mary Werleman,
Randolph Werleman, Juliette Werleman, Kim-
berly Croes, Sylvienne Winterdaal, Selkys Win-
terdaal, Howard Croes

Bisanieta (a)nan:

Randishlay Werlemann y Lidda Chirino, Renald
Thiel, Genivienne Regales, Jared Giel, Ian Dania

Rumannan: Ildo, Eta Croes y famia
†Elsa Winterdal y famia
†Doortje Tjon-Sie-Fat y famia
†Anna, Henry Acosta y famia
†Dufi, Sita Croes y famia
Bebe, Jojo Croes y famia
Esy, Aurora Croes y famia
Bertha Britten y famia

Suegra: Sra. Francisca Giel

Cuñanan: Irena Croes
Shon Ca Vieira y famia na Canada
Carmen Barreto y famia
Rosalba Achurry na Colombia

Bisñanan mas cerca: famia Geerman, famia Ar-
ends, Jojo Danje y famia, Tony y Diana Hernan-
dez, famia Hernandez, famia Dania, famia Webb,
famia Leon, famia Boekhoudt, famia Henriquez,
famia Kelly

Demas famia : Croes, Werleman, Winterdaal,
Tromp, Giel, Maduro, Chirino, Kock, Achurry,
Tjon -Sie-Fat, Thiel, Acosta, Regales, Dania,
Geerman, Arends, Danje, Orosco, Leon, Ras,
Vieira, Barreto, Hernandez, Boekhoudt, Bonnett
na Hulanda

Demas primo(a)nan, amigo(a)nan, conocirnan,
ihanan, compañero y compañeranan di Cas di
Machi y zusternan

Acto di entierro lo tuma lugar diamars 17 di febr-
ari 2015 na Aurora Funeral Home di 2'or pa 4'or
di atardi, despues lo sali pa Santana catolico na Sta.
Cruz, Respons ta cuminsa 3.30 pm.

Adres pa condolencia: Aurora Funeral Home, di-
aluna 16 di februari 2015 di 7'or pa 9'or di anochi

Enbes di flor of krans un donacion pa Cas di Ma-
chi lo ta altamente aprecia.
Nos ta lamenta cu despues di entierro nos no ta
ricibi bishita di condolencia na cas.
Nos disculpa si den nos tristeza, pa un of otro mo-
tibo a lubida un familiar, conocir of amigo(a).

Aurora Funeral Home

Tel: 593-0857 / 588-6699 / 560-1403
Fax: 588-6698

"Señor ta mi wardador, mi'n tin falta di nada
Den cunucu di yerba berde e ta ponemi sos-
ega. E ta hibami na awa tranquil,
Pa mi bolbe haña forsa".
Salmo: 23

Cu hopi tristeza pero conforme cu boluntad
di Dios,
nos ta participa fayecimento cristianamente di:



Frans Harry Naarden
mihor conoci como "oom Hahhy"
* 30 Jul -1921 † 15 Feb-2015

Acto di entierro lo wordo anuncia despues

Aurora Funeral Home

Tel: 593-0857 / 588-6699 / 560-1403
Fax: 588-6698

"Laga tur kos ta spera mi ta bunita,
laga tur locual cu mi encontra na caminda ta
bunita,
laga tur locual cumi laga atrás keda bunita y
laga esakinan termina den tur bunita".

Cu hopi tristeza pero conforme cu boluntad di
Dios,
nos ta participa fayecimento di :



Cenaro Werleman
miho conoci como "Nadi"
* 19-09-1937 † 16-02-2015

Acto di entierro lo wordo anuncia despues.

Na Number di Famia di



Srta. Victoria Albertsz

Nos kier a gradici tur esnan cu a hasi acto di presencia na entierro
di nos ser keri y tambe na tur esnan cu a manda telegram y flor.
Un danki di curason na tur e staff y personal di San Pedro Paviljoen
pa nan cuida y trata duna na Srta. Victoria Albertsz.
Na Staff y Personal di Aurora Funeral Home pa nan excelente servicio.

Ademas nos kier a invita boso pa tres Santo Sacrificio di Misa,
cual uno lo tuma lugar dialuna 16 Februari 2015 pa 8:45 am na
Misa Pro Catedral San Francisco di Asis, Oranjestad.
Diamars 17 Februari 2015 pa 7:00 pm y diahuebs 19 Februari 2015
pa 7:00 pm na Misa Inmaculada Concepcion, Sta Cruz.

Den number di famia masha danki.

BON DIA *Aruba*

Pa AVISO den nos Corant
aviso@bondia.com



Tel: 593-0857 / 588-6699 / 560-1403
Fax: 588-6698

SALMO 27: 1

Señor ta mi lus y fortaleza,
Di ken lo mi tin miedo?
Señor ta fortaleza di mi bida,
Pa ken lo mi tembla?

Cu profundo dolor na nos curason nos ta anuncia fayecimento cristianamente di nos querida
Mama, ruman y wela di:



Sra. Vda VALENTINA MADURO -MADURO
Mihor conoci como "Lelia"
14 Februari 1930 - 11 Februari 2015

Su esposo den felis memoria:† Maximo "Maiky" Maduro
Na number di su yuinan stima:
† Cecilio "Frenki" Maduro
Robert "Robby" Maduro y esposa Jackye na Merka
Mariano "Arie" Maduro y esposa Martha

Su nietonan cu el a stima semper:
Frank "Kenki" Maduro
Mike- David "Mike" Maduro y esposa
Shardienne Maduro
Robert Maduro na Huanda
Kimberly Maduro
Daniel "Danny" Maduro y esposa Ralitsa Maduro na Merka
Gregory "Greg" Maduro y esposa Jennifer Maduro na Merka
Barbara Maduro na Merka
†Marvin Maduro
Jary Maduro y comprometida Jane Rosario na Hulanda
Jillion "Jil" Maduro y comprometida Antonette Geerman

Su bisa- nieto nan: Jayden Maduro
Mikeson Maduro
Brayden Maduro
Carson Maduro

Su rumannan stima:
Sra vda Florinda Winterdaal- Maduro na Hulanda
+ Sra. Siria Maduro
+ Sr. Franco Maduro
Sra. Dina Maduro
Sra. Chivin Duijser- Maduro y esposo Alex
Sra Vda Sita Werleman- Maduro

Sra .Rufina Hasham, Sra. Adela Carolina, Sol Cañizales, Sra vda. Milena Maduro, Roy & Lucia Geerman-Croes, Famia Dirks, famia Rosel

Su amiganan di semper: Sra. Ida Dijhoff, Sra. Nana Alberts

Su compañeronan y empleadonan di:
Cas di machi y Sra Christina y esposo
Su subrina y subrinonan na Hulanda y Corsow, primo y primanan na Hulanda y Merca, ihanan, su bon bisñanan, amigo y conocirnan su comer y compernan y famia Maduro, Rosel, Davenport, Dirks, Winterdaal, Duijser, Werleman, Peña, Kock, Vrolijk, Dabian y demas famia cu ta hopi pa menciona.
Ta invita pa ecto di entiero cual lo tuma lugar diahueps 19 di Februari 2015 pa 4'or di atrardi na misa Imaculada Concepcion na Santa Cruz, despues lo Sali pa Santa catolico na Santa Cruz. E restonan mortal di nos defunto stima "Lelia" lo ta reposa for di 2'or di merdia den misa.

Adres pa condoleer: Aurora Funeral Home, Diaranson 18 di Februari 2015 di 7'or pa 9'or di anochi.
NOS TA PIDI NOS DISCULPA SI DEN MOMENTO DI NOS TRISTESA NOS POR A LUBIDA UN OF OTRO FAMILIA. DESPUES DI ENTIERO LAMENTABELMENTE NOS NO POR RICIBI BISHITA DI CONDOLENCIA.

Ata loke sali di bou di Hulanda ta nifica pa pueblo di Boneiro

KRALENDIJK - Jeffrey Levenstone candidato number 5 riba e lista di UPB ta publica e articulo aki, cu ta cuminsa muestra cu nos ta memey di campaña politico pa eleccion di Consejo Insular dia 18 di Maart binidero.

E eleccion aki, segun Levenstone, ta uno determinante pa cu futuro di nos pueblo. Abo pueblo tin di haci bo escudo. E panorama politico for di cua bo tin di scochi no ta dje complica ey manera cu e ta parce. Bo tin basicamente e gruponan cu ta bisa bo kibra cos y sali fei Hulanda y di otro banda esunnan cu ta bisa bo keda den Hulanda y ban bringa sin cu nan tin un idea ta contra kico nan ke bringa y finalmente UPB cu ta bisa bo scoge pa siguridad, mara loke bo tin y ban traha duro pa sigui drecha e.

"Pa e gruponan cu ke Boneiro Bek, ke acusacion liber,

estado federal of un status autonomo mesora, mi ke splica lo siguiente: Si bo ke e structuranan autonomo of semi autonomo aki, bo mes como gobierno local mester produci mas cen pa por atende cu bo pueblo. Ata aki e cifranan actual:

- gastonan di Gobierno local: 45 miyon
- gastonan structural di Gobierno Hulandes pa Boneiro: 173 miyon (exclusivo Husticia, NGO's, inversionnan di meta)
- gastonan total pa Gobierno Boneiro: 218 miyon
- entradanan genera via 'belastingnan' awor aki ta: 33,33% cu ta suma alrededor di 72 miyon.

Pues sali di e structura actual ta nifica cu Boneiro mes mester genera alrededor di 146 miyon dollar pa por mantene e nivel di bida cu nos tin awor aki. Mi no ta papia mes di mehoracion di nos nivel di bida cu ta loke nos tur ke.

Awor e accion mas logico cu gobierno lo por tuma ta hisa belasting. Pa por yega na cera e buraco aki di 146 miyon dollar, gobierno lo mester hisa belasting di 33.33% hiba é na 45%. Pues abo pueblo lo mester bay paga 12% mas na belasting. Casi mita di loke bo ta gana. Esaki ta e berdad cu e partidonan cu ke sali fei Hulanda no ta conta bo. Pueblo ta compronde awor di conta e cu dia di awe niun di e partidonan aki no por a duna bo nan plan di ken nan ta bay atende cu bo nivel di bida den un structura autonomo? Corda cu cifra no ta gaña. Bo por verifica e cifranan aki unda cu bo ke. Si tin partidonan cu a sinti nan mes ofende of insulta cu e comunicado aki, mi ta habri pa un debate tocante di e topico aki, ya pueblo ta caba compronde cu ta UPB mes ta e solucion!!" Te asina leu e comunicado emiti pa Jeffrey Levenstone, candidato # 5 riba lista di UPB.□

E sindicato kier busca solucion na mesa:

A postpone accion di Clinica Capriles, cu bista riba solucion

WILLEMSTAD-E sindicato ABVO a anuncia ayera tardi cu e ta postpone e accion na Clinica Capriles. E motibo ta, loke Gregory Wilson di ABVO a cualifica como "un luz chikito na horizonte" pa un posibel solucion di e conflicto.

E trahadonan a bay traha bek, pero bou di e condicion cu e asunto di retiro di personal ta di mesa.

Nos ta optimista, Wilson, kende ta esun cu di cuminsamento a guia e accion a agrega. E decision pa postpone e accion a bin despues di tres dia cu e trahadonan no a dreña e edificio di Clinica Capriles. Nan a laga solamente un cantidad minimal di colega paden, pa haci loke ta urgente cu e pashentnan.

Henter a conflicto a surgi, na momento cu gerencia a informa e trahadonan den un reunion diamars atardi, cu situacion financiero di e instituto ta di tal manera cu lo mester kita alrededor di 60 trahado.

Esaki a causa un consternacion enorme entre e trahadonan, cu a nifica mesora cu nan a pone trabou abou y a tuma contacto cu nan sindicato.

Den su prome reaccion minister di Salud Publico Ben Whiteman tabata categorico. E la muestra cu no por t' asina cu institucionan den cuido ta haci loke nan ke, pensando cu gobierno ta paga.

El a menciona e hecho cu el a pidi pa pone un welga di personal y un stop na tumaumento di cliente, pero no tin indicacion cu esey a sosode. Gerencia di su banda a resulta e declaracionnan di e mandatario, ripitiendo cu e ta lomba contra muraya.

E director medico di Clinica Capriles a keda muestra cu tanten bo tin tarifanan cu no ta cubri bo gastonan, e situacion ta keda dificil y ta mas dificil so e por bira.

Dado momento a surgi un confusion cerca tanto ABVO como e trahadonan, cua di e dos bandanan nan mester

kere, si ta gerencia of gobierno.

E sindicato ABVO, e momento ey a acerca e parlamentario lider di MAN Hensley Koeiman pa interveni entre gobierno y gerencia di Clinica Capriles pa yega na e solucion pa un conflicto ferfelo cu a surgi y cu a pone cu di diamars atardi trahadonan di e clinica – den nan mayoria – ta den accion.

No ta conoci ki resultado e intermediacion aki tabatin, si el a trece partidonan mas cerca otro.

Hecho ta cu ayera tardi e sindicato a anuncia cu e ta postpone e accion.

Gregory Wilson tabata masha cauteloso y no tabata kier a duna masha detaye di e posibel solucion cu ta na caminda. El a bisa di a tuma nota cu dos parlamentario – di coalicion – a papia cu partidonan y cu esaki posiblemente a logra un apertura pa un solucion.

E no kier a bisa den ki direccion mester busca e solucion, pero a limita su mes na bisa cu tin un luz – aunke chikito ainda – na horizonte.□



WILLEMSTAD- **Gobierno di Corsou no ta bay start niun discusion publico riba e caso den cua e ex hefe di Servicio di Siguridad (VDC) Edsel Gumbs a gana e caso den corte contra gobierno.**

Ora caba di investiga, lo duna cuenta y rason na parlamento, prome minister Ivar Asjes a duna di conoce ayera du-

rante e encuentro semanal cu prensa.

Gumbs, manera ta conoci a gana e ultimo caso cu el a entama den corte riba tur punto y asina ta considera cu el a limpia su nombre.

Corte a dicta sinembargo cu Gumbs no por bay bek como hefe di VDC, pasobra por papia di un relacion di trabou cu a dañá por completo.

Hues a papia di un relacion di trabou dañá.

Riba e sentencia aki a bin diferente reaccion, tanto local como di pafo di frontera di Corsou.

Un di e reaccionnan aki tabata di e parlamentario Ronald van Raak, kende a lansa un serie di pregunta na minister di Relacion den Reino Ronald Plasterk.

Asina por ehempel e tabata ke sa kico Plasterk ta pensa di e veredicto y kico e ta pensa di e actual hefe di VDC.

Dicon te ainda no tin claridad riba un ladronicia masal di informacion di VDC cu a tuma luga y cu a wordo transporta den maleta pafo di

VDC, bou di responsabilidad di Schotte? ta loke Van Raak a sigui puntra.

E tabata ke sa tambe cu minister Plasterk ta na altura cu durante e hortamento masal aki, a horta tambe informacion di otro servicionan secreto, entre otro di e servicio secreto Hulandes AIVD, a copia e informacion aki y a destrui informacion.

Pero minister Plasterk tabata cortico den su contestanan.

Funcionamento di Departamento di Siguridad Corsou (VDC) ta un instancia cu ta cay bou di gobierno di Corsou, e no ta responsabilidad di gobierno Hulandes.

Como tal, gobierno Huland-

es no ta reacciona riba loke ta pasando eyden, ta loke Plasterk a bisa.

Prome minister Asjes, ayera a bisa categorico cu e no ta bay cuminsa duna reaccion riba e caso.

“Mi a tuma nota di e veredicto. Loke ta bay pasa aworaki ta cu gobierno ta manda varios pregunta cu e tin pa e hunta di supervision cu ta controla VDC.

Na momento cu e haya e contestanan, e ta pidi pa convoca un reunion cu tur lider di fraccion den parlamento pa informa nan di esaki. Ta keda e ora ey na parlamento, pa tuma un decision,” e prome minister a declara. □

Pendiente trabou di renobacion den Forti:

Prome minister di Corsou lo muda pa Pietermaai



WILLEMSTAD- **Prome minister di Corsou Ivar Asjes, ta muda di su oficina den Forti pa temporalmente ocupa un oficina den e edificio di Financia na Pietermaai.**

Esaki ta necesario, pa asina trabou di renobacion den Forti por tuma luga, asina e propio mandatario a anuncia ayera.

Hunto cu esey, algun empleado cu aworaki ta traha den e edificio central, lo muda pa un otro parti di Forti cu ta renoba caba.

E edificio central di gubernacion Forti, tin hopi aña ta existi. Consecuentemente a bira necesario, pa haci trabounan di renobacion.

Ya caba den e añanan anterior a renoba e hala sur di Forti y despues a haci mescos cu e hala nort.

Awor a yega turno pa drecha e edificio central di Forti y pa haci esey, e edificio mester ta liber pa e trabou por tuma luga, segun e prome minister.

El a anuncia cu e calculacion ta pa 1 di maart awor, e edificio ta completamente liber pa e trabounan por tuma luga.

Banda di e edificio di gubernacion, ta haciendo trabounan di renobacion na e edificio di gobernador tambe, e la bisa.

Anto tur esaki, segun e prome minister, pendiente un decision definitivo ki dia y con ta cuminsa construi un edificio central di gubernacion

den cua lo ubica mayoria di e ministerio y departamento di gobierno.

E edificio central aki lo spaar gobierno miyones di florin, segun e prome minister.

Ainda no a tuma un decision definitivo unda e edificio lo wordo construi mientras cu e aspecto di financiamiento mester regla ainda.

Prome minister di Corsou Ivar Asjes a bisa cu el a tende comentario tambe cu sede di prome minister mester keda den Forti.

Pero loke tambe mi a tende ta cu mester haci Forti un sorto di museo. Ya caba ta asina cu por nota cu turistanan cu bishita centro di Ciudad ta gusta bishita Forti pa saca potret, segun e prome mandatario a agrega. □

MFK y MAN a pidi reunion: ki dia aviacion ta bek categoria 1

WILLEMSTAD- **Fraccion di MFK, sostiene pa fraccion di MAN a pidi un reunion di Comision Central di parlamento di Corsou pa tende di minister encarga cu aviacion Earl Balborda, con ta para cu esfuersonan di gobierno pa pone Corsou bek categoria 1 den aviacion.**

Pero directamente relata na esey, nos kier sa kico tin berdad di cosnan straño cu a tuma luga na e departamento di aviacion, Gerrit Schotte, lider di fraccion di MFK a anuncia.

Ta conoci cu na final di 2011 Federal Aviation Agency (FAA) a bin Corsou pa evalua e situacion y a conclui cu Corsou no ta cumpli cu e condicionnan pa keda den categoria 1 y ta wordo degrada na categoria 2.

Minister Charles Cooper, cu e tempo ey tabata esun encarga cu aviacion a denuncia cu e situacion aki por a surgi debi na e hecho cu di 2008, Internacional Civil Aviacion

Organisacion (ICAO) a adverti gobierno (di Antia e tempo ey) cu Corsou no ta cumpliendo cu e criterionan internacional pa keda den categoria 1. E evaluacion na 2011 a comproba cu no a haci nada entre 2008 pa 2011. Pa e motibo ey, a degrada aviacion di Corsou di categoria 1 pa categoria 2.

Ta diferente esfuerso a tuma luga despues pa recobra e categoria maximo, pero sin resultado.

Minister Earl Balborda, despues di a asumi e funcion a manda busca Oscar Derby di Jamaica pa yuda Corsou recobra categoria 1. Derby, separadamente un di e miho expertonan den nos area.

Pero 2015 a cuminsa y no tin niun indicacion ki dia Corsou ta bay logra. Mientras tanto, tin informacion di cosnan straño cu a tuma luga rondo di e figura di Derby.

Gerrit Schotte a bisa cu e tambe a tende di esaki y esey tambe ta topico cu e lo atende den e reunion cu su fraccion hunto cu esun di MAN a pidi. □



Debi na Ebola

Scolnan na Liberia ta habri bek despues di tabata cera pa 6 luna



MONROVIA, Liberia (AP) – Studiantenan na Liberia a cuminsa bolbe scol bek dialuna, despues cu e scolnan tabata cera pa 6 luna, durante e epidemia di Ebola cu a cobra biba di miles di hende.

Nan tabata para den rij, bisti na nan uniform, wardando pa haya turno pa tuma nan temperatura, prome cu nan por a drenta cura di scol.

Studiantenan cu a bay na scol secundario Saint Michael, cu ta keda pafo di e capital, a laba nan man cu awa cu chloor prome cu nan a drenta.

“Mi ta sinti feliz pa bin scol awe, pasobra pa hopi tempo mi no a mira mi amigonan”, Albert Kollie di 18 aña a bisa AP.

“Mi ta masha contento pa ta entre esunnan cu a sobreviví y mi ta resa pa Ebola wordo eradica di e pais aki.”

Hopi estudiante a bisa cu nan

tabata fada di sinta na cas, y por lo menos un director a bisa cu embaraso hubenil a aumenta durante e periodo di 6 luna.

Algun, ainda tin un tiki miedo pa bolbe scol, a pesar cu tin solamente un man yen di caso di Ebola cu a resta na e pais, cu na cierto punto tabatin 100 pashent nobo pa siman.

Miedo

“Nos lo tin miedo pa mishi cu otro den klas, algun colega lo tin miedo pa bin rond”, asina Eric Blackie cu ta den e penultimo aña di scol secundario a bisa. “Pero nos no por djis keda sinta na cas.”

Liberia a mira e cantidad di mas halto di morto a causa di Ebola, cu 3800 morto. Na Guinea, caminda e epidemia a cuminsa, scolnan ya a habri bek, a pesar cu hopi mayor nan cu miedo ta tene nan yunan na cas.

Na Sierra Leone, caminda e transmision di e malesa ta mas halto na e momentonan aki, oficialnan ta spera di por habri scolnan pa fin di maart.

Minister di enseñansa Remses Kumbuya a bisa cu mas di 5 mil kit a wordo distribui na scolnan, nan ta inclui thermometer y chloor pa laba man.

“Nos ta pidiendo pa tur administracion di scol percura pa e klasnan no tin mas di 45 pa 50 alumno.”

Klasnan mucho yen ta un problema grandi na scolnan na Liberia, caminda tin klas cu tin te cu 100 alumno sinta. Desde cu Ebola ta plama cu contacto directo cu likido di curpa, administradonan kier minimalisa e posibel plamamento.

Oficialnan di salud a adverti cu un solo caso nobo por causa un cantidad di infeccion nobo. □



Gobierno di Mexico ta condena asesinato di 21 Egipcio

MEXICO CITY - E gobierno di Mexico pa medio di su Secretaria di Relacion Exterior (SRE) a condena ayera, e asesinato di 21 ciudadano Egipcio cu a bira victima di Estado Islamico na Libia.

Pa medio di un comunicado canciyeria di Mexico a bisa: “Mexico ta reitera su energico rechaso contra terrorismo den tur su forma of manifestacion. Na e mesun tempo nos ta transmiti nos mas sincero condolencia na e pueblo y gobierno Egipcio, mescos pa e famianan di e victimanan.”

Crimen condenabel

Diadomingo ultimo, miembranan di Estado Islamico cu comunidad internacional ta considera como un organizacion terrorista, a divulga un video unda nan ta muestra cu a kita e cabes di 21 homber afo. Nan a identifica e grupo di hende sacrifica aki como Egipcio Cristian Coptos, tambe conoci como Cristian Ortodoxo, cu a wordo captura na Libia.

SRE a afirma na Mexico cu nan ta uni na e yamada cu Secretario General di Nacionnan Uni (ONU), Ban Ki-moon a haci caminda e diplomatico ta pidi pa mantene e dialogo pa supera cualkier situacion actual. Ademá el a propone pa construi un Estado cu institucionnan cu lo por ta capaz di enfrente e terrorismo. □

Muhe Jamaquino gara ta purba transporta droga di Corsou

KINGSTON, Jamaica (AP) – Polis Jamaquino a bisa cu 2 mula a wordo aresta despues cu nan a baha di vuelonan di Corsou.

Dialuna den un declaracion, Jamaica Constabulary Force a identifica 2 sospechoso

como muhenan Jamaquino cu ta traha como bendedo riba mercado. Recientemente nan a bolbe Jamaica di Corsou, riba vuelonan separa, y nan a wordo deteni pa autoridadnan na Kingston International Airport.

Polis ta bisa cu un di e

muhenan a saca 55 bolita cu ta contene casi 2 liber di cocaina. E otro tabatin net poco mas cu un liber na su curpa.

Na comienso di aña, polis di Jamaica a bisa cu nan a preveni un cantidad di intento pa trafica droga di y pa Corsou. □



Na Brazil

Esunnan pover ta mira Carnaval di leu

RIO DE JANEIRO (AP) – Neuza Maria Terreira stima Carnaval asina hopi, cu ni awasero ni holo malo di riol yen, lo strob'e di yega mas cerca posibel di e paradanan di Rio de Janeiro su scolnan di samba cu ta mundialmente conoci.

Terreira ta entre algun cien hende cu no por paga e ticket pa ta den Sambadrome, caminda e paradanan si e scolnan di samba di Rio ta tene e paradanan, na luga di mira e extravagansa di tribuna algun cien meter leu di e ruta di parada. Algun cien hende, mayoria pover, ta mira e parada di un caminda den cercania, caminda algun di nan ta sinta riba stoelnan di lama y grill.

“Carnaval ta Brazil su fiesta di mas grandi y popular, pero mayoria ta wordo exclui”, Terreira, un docente di 53 aña, a bisa diadomingo. Diadomingo tabata e prome

anochi, di dos, di a paradanan principal na Sambadrome.

“Aki nos mester soporta holo putri di e canal”, el a bisa, puntando den direccion di e riol cu ta yen di awa sushi, y cu ta separa e tribuna di e area di preparacion. Eynan, na e otro banda, tin carosanan grandi ta wordo poni na luga, y bailadonan y musiconan ta bisti den nan costume bunita, pa e competencia entre e 12 scolnan di samba.

“Nos no ta mira mucho”, Terreira a bisa, “pero ta miho cu nada.” Rio su Carnaval tin su origen riba caya, y scolnan di samba tin nomber di e favelanan caminda nan a nace.

Prijs pa ticket

Pero mientras cu mas o menos 14200 ticket ta wordo bendi pa \$4, mayoria di e sientanan ta wordo bendi riba \$75, y e prijsnan ta subi masha hopi djey. Cual ta prac-

ticamente un fortuna chikito na un pais caminda e salario minimo ta \$278 pa luna. E “camarote” di mas exclusivo na Sambadrome ta costa mas di \$42 mil pa anochi. Eyden 30 hende por sinta.

Hopi di e ticketnan mas barata ta wordo cumpra pa esunnan cu ta purba bende nan despues mas caro, diadomingo nan tabata purba bende un pa \$70, Jorgelina Tunala, un ama di cas di 52 aña a bisa, sinta den e tribuna cu gobierno a pone, pa esunnan cu yega prome por uza sin tin cu paga. Den pasado, el a logra cumpra ticket pafo pa \$20, pero e aña aki e no tabatin mesun suerte.

“Aki e ta dushi pasobra tin e spirito di Carnaval di berdad”, Tunala a grita memey di e gritonan di apoyo pa

Mocidade Independente, mientras cu e scol di samba tabata prepara pa presenta. Tin bendedonan di cerbes den ful e publico, mientras cu otronan ta grill hotdog y ta sirbi omelet di tapioca abou di e tribuna.

“Di berdad e no ta compara cu experiencia cu bo ta haya ora cu bo ta den Sambadrome, caminda ful e parada ta visibel, no solamente e scolnan ta prepara”, Tunala a bisa. “Si mi no por paga pa un ticket pa drenta Sambadrome atrobe, bo por conta cu lo mi

no ta aki.”

Carnaval pa rico

Patrick Souza, un docente di historia di 30 aña a bisa, Carnaval ta bay bira mescos cu futbol Brasileiro. Prijs halto pa ticket na e stadionnan nobo na Brazil, construi pa Mundial di aña pasa, a nifica menos fanatico na e weganan.

“Mescos cu futbol, Carnaval ta birando un fiesta pa rico”, Souza a bisa. “Anto esey ta un lastima, pasobra ta e pobernan ta esunnan cu semper tabata e curason di Carnaval.” □





Iris speelschool

Wak pagina B4



Carnaval San Nicolas

Wak pagina B2/ B16

BON DIA *Aruba*

Diamars 17 di Februari 2015 www.bondia.com Email: noticia@bondia.com Tel: 582-7800 Fax: 582-7044 1,50 Florin



Wak pagina B3/B8/B9

Fantasia y Alegria, Bo Guia den Carnaval
E-mail bo actividad na:
Noticia@bondia.com
Y NOS LO PUBLICA BO EVENTO, GRUPO, DISEÑO Y BANDA MUSICAL Y CUALKIER INFORMACION
CARNAVALESCO. PA MAS INFORMACION POR YAMA TEL: 582-7800



Parada di San Nicolas



Parada di playa





Muchanan di Iris Speelschool a celebra Carnaval 61

PARADERA- Diabierna ultimo Iris Speelschool na Paradera a tene su eleccion di Reina y tambe Prins cu Pancho conhuntamente cu su jump-in. Aki tur e muchanan a gosa di e ultimo fin di siman di Carnaval di mucha y a jump un mundo bou di e ritmonan di soca, caiso y hasta tumba.

Tur e alumnonan a bin disfrasa cual a trece sigur un dushi ambiente di Carnaval. Khloe-anne Tromp a keda eligi como Reina di Iris Speelschool, Primera finalista a keda den persona di Lishendra Bislip y Princesita a keda den persona di Elise Erasmus. Prins a keda den persona di Liam De lisle y Pancho den persona di Jayden Dirks. Iris Speelschool ta desea Aruba completo y specialmente nos dushi muchanan, un dushi Carnaval 61! □



Celebracion di Carnaval ta celebracion di union di nos pueblo

Miembro di Parlamento Mervin Wyatt Ras, ta desea henter pueblo di Aruba, un celebracion di e ultimo fin di siman di Carnaval, yena di alegria, respetando otro na tur momento.

A pesar di varios cambio cu Aruba su Carnaval a conoce e aña aki, nos por mira den actividadnan cu a ser organisa, nos comunidad celebra den forma positivo e fiesta grandi aki.

Diahuebs anochi for di tur skina di Aruba, ciudadanonan a bin hunto pa participa of mira e Parada di Luz di San Nicolas cu a bira un celebracion exitoso.

E fin di siman aki lo tin e dos actividadnan grandi cu ta parada di San Nicolas diasabra y parada di Oranjestad diadomingo, como ultimo actividadnan di Carnaval prome cu nos drenta tempo di Cuaresma. Miles di hende lo reuni riba e dos dianan aki, celebrando Aruba su car-



naval, cu ta un fiesta di nos pueblo den su totalidad. E exito di e celebracion aki ta depende di cada un di nos, pa no solamente nos celebra na grandi e actividadnan aki, pero percura pa otronan cu ta cu nos of banda di nos, pa nan tambe pasa momentonan placentero den compania di

famia y/of amigonan.

Ban coopera cu autoridadnan policial pa nan trabou ta mas facil, manteniendo nos mes na regla y leynan existente pa e tipo di celebracionnan publico aki.

Esaki lo no ta dificil mirando cu semper nos pueblo a comporta na un forma ehemplar

durante nos gran paradanan.

Exito di nos Carnaval ta depende di nos hendenan, pa e dedicacion y participacion den e paradanan aki, of como publico na banda, animando esunnan cu ta participa den e paradanan. Nos tin alabes turistanan cu ta sali dor di nan pais pa bin celebra hunto cu nos.

Señora Wyatt-Ras tin confianza cu cada un di nos lo sa pa gosa nos Carnaval den forma

sano pa e fin di siman aki por bira otro gran exito. Ban gosa hunto, canta y baila manera semper nos hendenan a haci na e ocasionnan aki. Ban evita consumo (halto) di alcohol, en special si nos tin cu maneha nos auto y ban cuida nos muchanan y nos hoben-

nan y pa despues di Carnaval 61 nos por wak bek y por ta orguyoso di nos mes y di tur esunnan cu e dedica nan tempo y nan energia den e fiesta cultural importante aki. Den union nos lo sabi di gosa nos bunita Carnaval, en special tambe dor cu dia di Carnaval



di parada grandi di Carnaval na San Nicolas ta alabes dia di San Valentino.

Un feliz fin di siman di Carnaval, y mas cu tur cos, cu tur cos bay bon pa tur hende. □



Bautismo di disco compacto "Muchanan Sabi"

ORANJESTAD- Ariba parkeerplaats di Glitz Casino situa na La Cabana hotel a tuma luga e bautismo di e disco compacto di e grupo musical y baile "Muchanan Sabi" cu ta bou encargo di Edselyn Figaroa. Esaki a sosode durante e ultimo programa carnavalesco di Ivo Janez "Den Dje". □



Yee Mei Cheong reina di scol Colegio Santa Teresita

Adhunto ta un foto di e reina di carnaval di scol basico Colegio Sta. Teresita cual a wordo scogi diabierna ultimo 13 februari 2015 kende a keda den persona di Yee Mei Cheong di Klas 6A.

Aki por wak e momento unda el a wordo corona pa e cabesante di e scol Juf. Vingal.

Despues a sigui un dushi jump up caminda tur alumnonan a celebra hunto cu e reina. □



Elogio pa 35 aña di labor di Jeffrey Gomez pa pais Aruba

Minister Mike de Meza a duna reconocimiento na Jeffrey J. Gomez cu a cumpli 35 aña den servicio di pais Aruba, un trayectoria largo y cu hopi dedicacion.

Sr. Gomez a cuminsa traha na edad di 23 aña na DOW como "aspirant tekenaar" y despues a crece como supervision. Cu tempo a wordo promovi como Hefe di Supervision Tecnico. Na 1997 na edad di 41 aña el a haya oportunidad pa sigui studia pa amplia su cualificacionnan tecnico y tabata biaha pa diferente beurs di construccion pa amplia su conocimiento den ramo di arkitektura. "Mi a cuminsa traha cu Minister ing. Mike de Meza pa motibo cu nos ta comparti e mesun ambicion pa desaroyo di San Nicolas. Mi ta gusta e vision di Minister pa pariba di brug y nos a logra hopi hunto den tempo cortico. Por ehempel renoba e camponan deportivo: Joe Laveist Sport Park, Centro di Barrio Lago Heights cu awor ta Bogaerts Ball Park, Parke di Esso Heights y continua cu e desaroyonan den Diamant Berg Weg y otro parti," Sr. Gomez a splica.

Di parti di Ministerio di Asuntonan Economico, Comunicacion, Energia y Medio Ambiente a felicita y alabes gradici Jeffrey Gomez pa e 35 añanan di dedicacion y ambicion pa e desaroyonan cu a wordo haci y cu ainda falta pa pais Aruba. □





Accidente cu daño material y persona herida

BUBALI- Diadomingo mainta riba caminda di Bubali poco pabou di Save a Lot a sucede un accidente di auto basta fuerte cu persona herida. A solicita presencia di tanto Polis como ambulance y unidad di rescate di bombero.

Na e sitio Polisnan a wordo informa cu e Ford escape tabata bahando for di pariba. E chauffeur su atencion riba trafico a wordo kita pa wak su yiu den auto. E auto a kita for di su ruta y ta bay dal riba e trafico biniendo di pabou cu ta bayendo direccion pariba. Chauffeur di e Ford escape no por a sali debi cu e porta



tabata machica. Unidad di rescate a logra corta e porta pa saca e victima. Personal di ambulance a atende cu e victimanan herida. □



Homber menasa cu morto no kier duna keho

SAN NICOLAS— Central a manda Polis di San Nicolas den de Veerstraat pa un auto sospechoso.

Na e sitio, Polis a papia cu e homber A, kende a bisa cu el a haya problema cu algun persona sinta den un Nissan Sunny, number desconoci. Den e auto tabatin tres mucha homber. Un di e pasaheronan a bisa A, cu e ta bay mata su persona. Tambe el a mira algo den su man parecido na un pistol. Ora cu A, a mira esey, el a core bay sconde den mondi. E auto despues a core bay direccion panort.

E homber a haci hopi desordo y tur tres di e muchanan tabatin color scur y ta papia Ingles. Polis a core controla den bisindario, pero no a haya nada particular. A no kier duna keho di menasa, aunke Polisnan a duna conseho pe haci esey. □

Restaurant a pasa ora di ceramento y a haya boet

PALM BEACH— Polis a bay na Different Restaurant cu tabata habri durante ora cu e mester ta cera. Na e sitio, Polis mira cu e parkeerplaats ta yen di auto y por a mira e hendenan cana paden. E restaurant segun su permit mester keda habri te 02.00. Mesora Polis a cera e luga. E persona encarga a bolbe haya boet. □

Ladronicia di brommer na haltura di Golden Dragon

ORANJESTAD—E homber R, a bay warda di Polis y ta duna keho di ladronicia di su brommer Yamaha Scrambler blanco dt 175. El a bisa cu e brommer a wordo horta na haltura di Golden Dragon na Sabana Berde. Polis a tuma e keho.

Muhe ta cana pa controla su casa na cas di hende

JANANA— Durante patruya, Polis a bay na Janana pa un muhe no desea. Na e sitio, Polis a papia cu e doño di e cas. E ta bisa cu un muhe constantemente ta bin su cas haci fastioso, como cu e ta culpa di tin relacion cu su persona. Polis a papia cu e otro muhe y e ta bisa cu solamente e ta pasa dilanti di e cas pa mira si su casa ta na e cas ey.

Polis a bisa cu no ta permiti pa e bay haci fastioso cu otro hende y si e tin problema matrimonial e mester papia esey cu su casa. Polis a papia cu e muhe y a bisa cu si e acusacion ta berdad, e mester stop cu e cosnan ey, ya cu e ta ocasiona problema. E muhe a compronde y a bay for dilanti di e cas. Central a wordo poni na haltura. □

Desconoci ta saca 600 dollar for di tas di turista

PALM BEACH— Central a manda Polisnan na Divi All Inclusive pa un ladronicia. Na e sitio, e personal di seguridad di e luga a bisa cu el a haya un tas cu ta colga na un stoel. E personal di seguridad, D. y M., a controla e tas y segun nan procedura di trabou, y a mira cu e tas ta pertenece na e turista L.M. A, cu ta keda na e hotel. E meter a wordo haya tres meter leu for di e camber.

E muhe a declara cu el a lubida su tas pafu y cu e ta haya falta di 600 dollar. Esey a tuma luga entre 24.00 y 03.00. E muhe no kier duna keho. □

Homber sospechoso tabata fuertemente bou di influencia

PICARON— Central a manda Polisnan na Picaron pa un homber sospechoso. Na e sitio, Polis a topa cu un homber desconoci cu ta parece un choller. Durante cu Polisnan a detene, a resulta cu e ta di remate y cu e ta bou di influencia di un of otro substancia. El a keda deteni, pero a cuminsa resisti pisa. E sospechoso a resulta di ta S.M.D, naci na Aruba di 37 aña, y ta biba den Maracastaat. Polisnan a hiba e detenido warda di Polis na Santa Cruz. Despues cu el a presenta dilanti Fiscal, el a keda cera pe calma. □

Turista di 80 aña a dwaal

BUBALI— Un persona a avisa Central cu el a haya un anciano riba caya. Central a manda patruya na un cas na Bubali, na unda un homber a haya un muhe grandi riba caminda. Na e sitio, Polis a papia cu e muhe cu a resulta di ta un turista y a bisa cu e tin un dia riba e isla. E no por bisa na unda e ta kedando, pero solamente a bisa cu e ta cu un grupo di 14 miembro di famia riba e isla y e mester registra na Divi Golf Village.

Pa tal motibo, e mester a bay na un apartamento na Bubali, pa keda un anochi eyan. Polis a bay hunto cu e muhe na Divi Village pa verifica locual cu el a bisa ta corecto y a haya contacto cu e famia. Nan a bin busca nan ser ker y lo sigui mira pe. □

Homber cu a haya boshi di yabi kier bringa

ORANJESTAD— Central a manda Polisnan na e parkeerplaats di Duana, relaciona cu un pelea cu ta den cuminsa. Na yegada Polis a papia cu e personal di seguridad di e luga. E ta declara cu un homber a haya un boshi di yabi riba e parkeerplaats. Ora cu el a bay papia cu e homber, el a bira fresco y kier a bringa cu su persona. Ora cu Polis a yega, e homber no tabata mas eyan. □

Habitante ta haya molester di cria di bestia y pauwies

SEROE COMPA— Central a manda Polisnan na un cas na Sero Compa pa molester di bestia. Na e sitio, e habitante Y, a bisa cu su bisiña ta cria hopi bestia y e tin molester di e holo. Tambe e bisiña tin un pauwies cu e tin molester di dje, ora e cuminsa grita, specialmente den oranan di anochi. Relaciona cu esey, Polis a bay na cas di e bisiña y e ta bisa cu e bestianan y e pauwies no ta di dje, pero di un cierto L, cu ta biba na Sero Compa.

Na e sitio, a resulta cu e persona no ta na cas. Polis a haya e number di e telefon y por a haya contacto cu e. El a bisa cu e tin un plan pa mas pronto posibel e move e bestianan y e pauwies na un otro luga. Polis a pone Polisnan di Bario na haltura. □

Persona encarga cu yabi di laboratorio no a presenta

ORANJESTAD— Central a manda Polis den van Leeuwenhoekstraat pa un situacion sospechoso. Polis a bay na e edificio di BGD, na unda e habitantenan ta bisa cu nan a tende kibramento di glas y e zonido a sali fei den e edificio. Polis a controla e edificio di BGD, y tur cos tabata intacto. Polis a bay controla den laboratorio nacional. Durante control, Polis a tende glas kibra. Polis a sigui busca y a mira cu na e banda drechi di e laboratorio tabatin un bentana kibra.

Habitantenan a bin cerca Polis y a bisa cu tin un homber cu a bay sconde tras di un cas. E homber tabatin un camisa preto. Polis sigui busca y a topa cu e choller G. Werleman naci na Aruba di 42 aña, na haltura di Champion Self Service. G, a cana bay direccion panort. Polisnan a para e choller y a mira cu e tabata soda masha hopi y e tin un herida na su man drechi y su man robes tabata sushi na verf. Su paña tabata tur sushi di yerba y santo.

Polis a puntra G, kico e ta haci eyan, el a bisa cu e tabata drumi banda di Champion Self Service y a caba di lanta for di soño. Mirando e circunstancia Polisnan a detene pa ladronicia. Polisnan a hiba e choller warda di Shaba na unda el a keda presenta dilanti Fiscal Auxilia y a keda cera pa investigacion. Relaciona cu e kiebro den laboratorio nacional, Polis a wordo poni na haltura pa e compania Safecom.

E homber B, a bin na e sitio y a declara cu a pone e persona encarga cu yabi na haltura, pero e lo bin den oranan di mainta pa controla e edificio. Polis a bisa B, cu nan a detene un sospechoso y e mester duna keho y mester haci un control. Despues di basta rato cu a yama e persona encarga cu yabi, el a paga su celular. No a haci mas control, ni keho a wordo duna. □

Parada di Playa



Papa ta pidi e kardinaalnan nobo humildad y haci trabou

Francisco a consagra 20 religioso, hopi di nan ta bin di paisnan den desaro, e acto a tuma luga den e Basilica di San Pedro.

Diasabra Papa Francisco a consagra kardinaalnan Catolico nobo, cu ta wordo integra den e grupo cu lo eligi su sucesor. Papa a bisa nan cu nan funcion halto ta pa nan ta humilde y pa nan traha pa husticia.

Na e ceremonia a asisti Papa emerito Benedicto XVI, esaki tabata su di cinco aparicion den publico na un evento di iglesia desde cu el a retira na 2013.

Den su predicashi, Francisco a bisa ta un kardinaal no ta “un acesorio of decoracion, manera ora ta trata di un condecoracion” y el a adverti nan di e tentacion “na envidia y orguyo”.

“E dignidad nan di iglesia tampoco no ta immuun pa e



tentacionnan aki, el a añadi. Kardinaalnan ta e assistentnan di Papa di e rango di mas

halto na Roma y na mundo. Esunnan cu tin menos di 80 aña por drenta den e organo

den un apartamento grandi manera otronan cu a bay prome cu su persona.

Diescincin di esunnan cu a ricibi e paña cora diasabra tin menos de 80 aña, esey ta haci cu e cantidad di kardinaalnan cu por vota a bira 125.

Cinco homber grandi a wordo honra pa nan servicio na e iglesia, entre nan Jesús Pimiento Rodríguez, arsobispo emérito di Manizales na Colombia y Luis Héctor Villalba, arsobispo emérito di Tucumán, Argentina.

Esunnan cu a wordo eligi nan nomber a wordo anuncia luna pasa y nan ta bin di Italia, Francia, Portugal, Utopia, Nueva Zeelandia, Vietnam, Mexico, Myanmar, Tailandia, Uruguay, España, Panama, Cabo Verde y Tonga.

Entre nan e kardinaal Alberto Suárez di Morelia a yega di traha den un region cu a wordo castiga pa violencia di e cartelnan di droga y Francesco Montenegro di Sicilia tabata lucha pa yuda inmigrante cu tabata crusa desde e parti noord di Africa pa bay e isla di Lampedusa.

“Esun cu wordo yama pa duna su servicio den gobernacion di e Iglesia mester tin un sentido fuerte di husticia, di forma cu e no ta acepta ningun inhusticia”, Francisco a bisa e Kardinaalnan. □



Sexting, con mi por guia mi yiu hoben den esaki?

Na diferente scol hobenan ta manda otronan potret intimo, sexual y mensahenan sexual. Esaki ta e fenomeno “sexting”.

Nos por compronde cu mayor/educador ta spanta na momento cu nan wak e potretnan ey. E ta castigabel pa hende menor di edad manda potretnan pornografico na otro hende cu ta mayor di edad. Banda di esaki e ta un fenomeno fastioso pasobra e potret por keda riba internet, por wordo uza na un manera malo of mas grave, esun cu ta riba e potret por wordo tenta.

Kico nos no mester lubida como mayor/educador, ta cu e hobennan ta haci esaki dor cu nan kier experimenta cu e topico sexualidad. Nan no ta wak e consecuencianan di nan comportacion. Nos como mayor/educador mester guianan na un manera adecuado.

En bes di reacciona hopi

dramatico of prohibi uzamento di Social Media, nos mester papia e berdad cu nan. Splica nan kico lo porta e consecuencianan, scucha nan pensamiento tocante e fenomeno sexting y e topico sexualidad. Puntra nan: con nan lo kier mostra nan mes na otro hende den bida real? Nan tin curashi pa cana sunu den cura? Pone un poster den cura cu potret intimo como mi ta bende mi mes? Mi ta habri mi porta pa tur hende por drenta cas y tene relacion sexual cu mi? Pasobra esaki ta pasa na momento nan ta manda potret intimo, sexual, na otro hende aunke e otro persona por ta nan guy of chick. Nunca nan sa ken mas lo por haya e potret pa wak tambe y nunca nan no sa na unda e potret por “show up.”

Dor di papia cu bo yiu tocante topiconan delicado bo ta duna bo yiu e mensahe e por confia bo y cu bo ta confia bo yiu, specialmente si bo

ta scucha bo yiu su opinion. Discuti cu e yiu pa e por forma su opinion tocante cierto topiconan, e por sa kico ta su norma y balornan pa motibo cu abo ta duna bo yiu e bon ehempel, abo ta duna bo yiu un chens pa experimenta den un ambiente safe na boso cas y den boso famia.

Si abo como mayor/educador ta spanta te na panico, bira rabia of emocional no papia na e momento ey cu bo yiu, tuma un rato pa pensa of tuma contacto cu nos:

Tienda di Educacion, telefon pa mayor.

Nos por duna bo conseho y tip con bo por papia cu bo yiu sin condena, pero guia bo yiu na un manera positivo. Tambe nos lo organisa charlanan cu e topico “con bo por guia bo yiu den uzamento di social media” y duna e charla na diferente scolnan. Pa haya sa cua dia e lo tuma luga boso lo por ricibi e invitacion via scol of bishita nos Facebook pa keda na haltura. □



secreto esey ta e organo cu ta eligi un pontifice nobo despues cu Francisco muri of tuma su retiro.

E kardinaalnan nobo Hispano Americano ta Monseigneur Alberto Suárez Inda, arsobispo di Morelia, México; Monseigneur Daniel Fernando Sturla Berhouet, arsobispo di Montevideo, Uruguay; Monseigneur José Luis Lacunza Maestro Huan, obispo di David, Panama y Monseigneur Ricardo Blázquez Pérez, arsobispo di Valladolid, España.

Desde su eleccion, Francisco a critica frecuentemente e posicion privilegia di e cleronan y nan nivel halto di bida, pa establece un ehempel e tabata biba den un cas di huesped na luga di biba

Tip di Oro

Traha riba algo cu abo gusta:

Sinti pasion y gusto pa loke nos ta haci ta un fuente di harmonia y felicidad. Trata di haya un tarea, ehercicio fisico of algo cu abo ta gusta haci cu no ta bay costa bo nada, y risca bo eligi un di nan manera:

1. Sali cana den un parke, haciendo contacto cu e naturalesa
2. Sali di compras cu bo famia
3. Practica bo deporte faborito
4. Tuma un tempo pa medita canto di lama di cual ta saludabel pa e relajacion mental, en fin.

Con tal bo realisa bo tareanan cu alegria. Paso e recompensan di haci algo cu abo ta gusta, semper ta di inmenso satisfaccion. Manera un Proverbio cu ta bisa: “Un curason contento ta un bon remedi, pero un spirito bati ta seca weso.”

Bon siman pa abo y bo famia. □

Economista John Perkins, a comparti su experiencianan global cu Aruba

ORANJESTAD – E famoso autor y economista mayor di New York Times John Perkins, kende a skirbi varios bestsellers, tabata na Aruba.

Perkins a discuti en extenso tema y topiconan di importancia pa Aruba y tambe a intercambia su observacionnan. Nan a papia di e recurso mas grandi di Aruba, cu banda di nos solo cayente, e biento constante y e awa cu ta rondona nos, ta e ciudadano. Tambe di e desaroyo economico importante cu ta cana man den man cu e bienestar di tur hende. Perkins y Eman hunto dal un trip den Parke Arikok pa eyan sigui cu nan combersacion y discusionnan. Parke Arikok ta representa casi 20% di e superficie di e isla y loke ta masha importante ta cu e Parke y tur loke ta biba den dje ta wordo proteha pa leyman estricto. Perkins a nota cu esaki ta un paso grandi den direccion di prosperidad sostenibel. Perkins tabatin combersa-

cionnan cu diferente miembro di departamentonan di gobierno, unda el a contesta den forma masha honesto e preguntanan cu tabata bin den su direccion. Perkins tabata un invitado di Universidad di Aruba pa papia riba loke a destrui e economia mundial y con pa fix esey. E sala di auditorio di Cas di Cultura tabata completamente yen cu studiantenan atento, educadornan y hopi otro interesado pa tende e discurso di Perkins y sa mas di su vision internacional y experiencia.

John Perkins a skirbi varios bestsellers. Esun cu mas a resalta ta sin duda 'Confessions of an Economic Hit Man' den cual e ta splica den detaye su experiencia personal cu nacionnan subdesaroya y e financiamiento peligroso cu tabata haci cosnan pio ainda pa e nacionnan aki cu ya tabata bringa pa sobrevivir.

"E tempo a yega pa stop di honra y sostene hende cu ta persigui un mentalidad ma-

terialista, cudishi y falso: un Economia Morto. Si nos ta bay bira e mesanan, nos mester sostene esunnan cu ta trahando pa un Economia di bida", Perkins a declara.

E ta splica su audiencia cu economia global cu a wordo crea pa mundo ta un fracaso. El a bay riba estadística espantoso indicando cu 85 individuo na mundo tin mas na propiedad cu ½ di e poblacion mundial y cu 9 individual tin un entrada enorme sin tin nodo di haci nada pe, e Mericano comun y corriente mester traha 250.000 aña pa yega na e entrada ey. E estadística mas yamativo ta na su opinion esun cu menos di 5% di e mundo ta biba na Merca, mientras cu Merca ta consumi mas di 30% di e recursonan mundial. "Esaki ta un economia morto y e no ta funciona. Nos mester cambia e economia, nos no mester bay bek y biba den casnan di torta, pero nos mester djis cambia si e uzo di recursonan na un manera responsabel".



"Aruba ta asina excitante", Perkins a bisa, "unda paisnan grandi a faya e paisnan chikito manera Aruba tin e oportunidad pa ta lider riba e caminda. Aruba ta e innovando; mientras na mundo awa ta cabando, Aruba a maneha di converti awa salo den awa potabel y e solo y biento den energia. Mi ta mira cu Aruba tin un rol di liderazgo fenomenal den mundo door di exhibi boso tecnologia cu ta state-of-the art. Debe no ta e topico, importante ta loke bo ta haci cu bo financia". Accion ta esencial den tur esaki. E mensahe di Perkins ta pa

cada ken tuma su propio responsabilidad. "Manera mi a skirbi den 'Confessions of an Economic Hit Man,' mi a siña door di propio experiencia cu no ta importa kico bo background ta of bo pasado por tabata, nunca ta laat pa traha pa yega na un miho mundo. E ora ta di nos; e tempo a yega pa cada un di nos pa lanta para y tuma un paso dilanti, pa haci e preguntanan importante, pa bay en busca di contesta cu ta sali di nos propio alma y tuma accion. E circunstancia cu a dicidi bo bida y e escogencianan cu bo a haci pa responde na nan, a trece bo na e punto aki". □

Ken no ke tin un bida saludabel?

Cu serie di e programa di television "Bo Curpa-Bo Bida" Health Matters ta trece dilanti cu prevencion ta miho cu curacion y meta di e programa ta pa conscientisa mas tanto posibel e comunidad di Aruba pa hiba un bida saludabel.

Come y bebe saludabel y haci suficiente actividad fisico y drumi suficiente ta yuda preveni entre otro sobrepeso, obesidad, diabetes y problema di arteria. Enfermedadnan cu ta haci hopi daño na organonan, manera por ehemplo curason y pancreas. Siña biba mas consciente door di cambia bo estilo di bida ta un maneho multi disciplinario y e cambio aki ta na bienestar di bo salud y esun di bo yiunan.

Presentacion di e serie di programa "Bo Curpa-Bo Bida" ta na TeleAruba y ta consisti di 6 edicion, cada un cu un tema diferente. Den cada edicion nos ta trece dilanti un organo di e curpa humano, p.e.; curason, pancreas, sistema arteria, etc.

Den cada edicion nos ta splica kico por faya y kico bo por

haci pa preveni fayo den bo curpa. Nos ta ilustra cu curpa humano ta e aparato mas ingenioso na mundo y cu un defecto por tin consecuencia grandi pa bo salud.

Durante di e programa "Bo Curpa-Bo Bida" nos ta papia cu diferente medico especialista y nan ta duna splicacion na un manera simpel y cu hopi claridad tocante e tema y tambe nos ta trece dilanti e avance nan tecnologico cu tin riba e tereno di curacion. Instancianan local relaciona cu e tema y personanan cu ta sufri di un malesa tambe nos ta entrevista.

"Cu presentacion di e serie di programa "Bo Curpa-Bo Bida" y hunto cu apoyo y esfuerso di nos sponsor principal, AZV y otro instancia y personanan, cu di un manera of otro a contribui na realizacion y produccion di e programa di television "Bo Curpa-Bo Bida", nos ke yuda na bienestar di e pueblo di Aruba pa hiba y mantene un bida saludabel. Meta di e programa

"Bo Curpa-Bo Bida" ta pa e pueblo di Aruba siña conoce nan curpa y ta pa conscientisa e pueblo mas y mas pa man-



tene nan curpa saludabel pa asina preveni problema medico", segun Mary-Lou de Windt, nutricionista y coach di crecimiento y desaroyo personal di Health Matters. Diadomingo, 15 di februari

pa 9'or p.m. tabata tin presentacion di e delaster edicion di e programa "Bo Curpa-Bo Bida". E edicion aki ta trata e defensa di nos curpa, e sistema inmunologico. E sistema inmunologico ta un organo y contrario na otro

organo, manera curason of e pulmonnan, e sistema inmunologico ta presente den henter bo curpa. Ta importante pa bo come saludabel, varia y balansa, drumi y move suficiente pasobra mas fuerte bo sistema inmunologico ta, mas fuerte bo curpa ta para contra e intrusonan manera bacteria, virus y parasito.

Health Matters ta yama danki na AZV, sponsor principal di e programa y tur otro instancia y personanan cu a contribui pa haci presentacion di serie di e programa "Bo Curpa-Bo Bida" posibel.

Tambe na e televidente di Aruba pa su reaccion positivo. Alavez Health Matters kier participa cu den 2015 Health Matters ta sigui conta cu apoyo di entre otro su sponsor principal y pronto lo tin presentacion di e di dos serie di e programa "Bo Curpa-Bo Bida" nan tur 3 canal di television di Aruba.

Health Matters ta preocupa pa e estilo di bida cu nos hubentud y adulto nan ta hibando awendia y ke contribui na e bienestar di e isla di Aruba. □

Na memoria di Sr. Ovito Tromp

ORANJESTAD - Dialuna pueblo di Aruba a ricibi e tristo noticia cu un otro baluarte di Aruba su cultura, a bay laga nos, Sr. Ovito Tromp, na edad di 64 aña.

Sr. Ovito Tromp a dedica hopi tempo valioso den su tempo liber na proyecto- y otro programanan na bienestar di nos hubentud. Na aña 1979 el a drenta den e directiva di Centro di Bario Noord (CBN) y di 1985, e tabata presidente. Bou di su liderato dinamico Centro di Bario Noord a sa di realisa hopi proyecto..

El a percura pa renobacion di e dak di e edificio di Centro di Bario Noord (CBN), a construi un di dos local destina pa crèche “Chikitin Bin Bin”. E edificio di crèche “Chikitin Bin Bin” a resulta di ta chikito mirando e demanda cu tabatin pa cuida di mucha na Noord y asina aki amplia esaki den corto tempo despues bou liderato di Sr. Tromp.

Sr. Tromp tabatin tur cos di haci cu e BallPark nobo di Centro di Bario Noord, cu tur su facilidadnan correspondiente, entre tanto un di e veldnan mas popular di baseball y softball.



Tambe e la realisa e proyecto di “Parke di Recreo Noord”, hardin di hunga banda di e edificio di Centro di Bario Noord. Proyecto cu tabata semper e deseo di Sr. Ovito Tromp, tabata e apertura oficial di CBN den aña 2002.

Riba tereno cultural tambe Sr. Tromp tabata hopi activo y popular. E tabata miembro

di e Coro di Misa “Coro Santa Anna” desde 1980 y como un tocado cu talento di mandolin e tabata guia e Coro no solamente tur diadomingo of dianan santo, pero tambe riba dianan festivo, manera na inicio di e Status Aparte di Aruba riba 1 di januari 1986, na ocasion di e bishita Real na aña 1989 na “Imelda Hof”, na

Noord y riba dianan nacional festivo y otro ocasionnan particular.

Sr. Tromp tabata dirigente y musico di e grupo folklore “Tipico Noord” di cual grupo e tabata mantene nos balor y tradicion cultural, durante henter aña y fin di aña, bishitando conoci- y amigonan

pa desea nan e bon deseo di un cambio di aña, nos fiesta tradicional y tipico Arubano, nos “Dande”.

Aruba a perde un pionero riba tereno cultural folklorico. Palabra di condolencia na e yiunan, famia, amigonan y henter Aruba cu e fayecimento di Sr. Ovito Tromp sosega na paz. □

Meneer Ovito, mas cu un maestro

Meneer Ovito! Ken por a pensa cu meneer Ovito a bay laga nos asina lihe. Hopi di su fin di simannan el a dedica na baseball. Mi ta corda ami cu mi wela den feliz memoria hunto cu mi ruman Jairo fin di siman na wegá di baseball y Meneer Ovito cu un animo inmenso pa anima e muchanan.

Mi meneer di Klas 5 A, semper mi tabata encanta cu e manera cu e tabata duna su

les di “Kennis der Natuur” (Kdn). Di pintamento di un “skelet” te na “milieuvervuiling”.

Muziekles. Cu su guitarra nos a siña canta “Maria Isabel”. Coje tu sombrero y pontelo. Vamos a la playa caliente el sol. Chiri biri bim Po rom pom pom. Mi ta sigur cu tur mucha den su klas a siña e cantica ey. Streng, serio, pero ta traha cu disciplina pa e alumnonan pasa e “verkeersexamen” Hopi agradecido

nos ta cu meneer a guia nos y varios hoben mas di Noord.

Sigur hopi di nos ta corda fiesta di famia den veranda. E ta deleita nos cu su dushi musica di mandolin. Sin laga afo e cantica Palo, palo, palo, palo bonito palo eh. Eh, eh, eh, palo bonito palo eh. Hopi di nos Norteronan a balia e cantica ey riba tono di Meneer Ovito y su grupo tipico. Dushi ohm. Semper hunto cu Tipico Noord den festival di Himno y bandera en conexion cu 18 di Maart. No por



lubida fin di aña y aña nobo na diferente cas di famia. Tur ora cla pa yuda Coro Santa Ana den Misa di Noord y otro presentacionnan.

El a traha hopi duro como Presidente di Centro di Bario Noord. Pueblo di Noord a perde un gran baluarte. Nos ta agradecido pa tur loke el a haci pa e pueblo di Noord. Nos lo haya su falta sigur. Hopi forsa na famia, amigo, colega y tur cu a stima. Meneer Ovito drumi dushi den brasa di Señor. Di bo ex alumna Aimee van der Biezen, San Jose Costa Rica 10 Februari 2015. □

Aruba a perde un gran baluarte den meneer Ovito Tromp den feliz memoria

ORANJESTAD - Algun dia pasa nos a haya tristo noticia cu Aruba su deporte, specialmente esun di baseball a perde un gran maestro den meneer Ovito Tromp, manera hopi nos a conoce. Un persona amabel y senciyu cu a traha incansablemente pa

Centro di Bario Noord.

Como un e motor tras di e organisacion di baseball Centro di Bario Noord Eagles como tambe e ekipo ATCO Indians, meneer Ovito a stima e deporte di baseball pero mas cu tur cos, su hungadonan di esun mas chikito te

cu esun di mas grandi. Awe sigur hopi ta recorda su persona como esun cu a siña nan hunga e deporte di baseball pero mas cu tur cos ser un bon persona, un chempelar pa nos comunidad.

E norma y balornan cu el a siña cada un lo keda graba

den cada curason.

Meneer Ovito sigur ta bay keda pa tur cu a conoce y tambe pa futuro generacionnan como un gran lider.

Minister di Salubridad Publico y Deporte, dr. Alex Schwengle hunto cu Ministerio ta manda palabranan

di profundo condolencia na famia, amigo y conoci nan di meneer Ovito Tromp.

Cu meneer Ovito sosega na Paz den Reino di Señor y un palabra di danki pa tur loke el a haci pa e deporte di Aruba specialmente e bario di Noord. □

Ahata a reuni cu Comision di Turismo



Presidente di comision di Turismo a reuni cu partnernan den e industria di Turismo y esaki mester pasa mas regularmente.

Durante un reunion di comision di Turismo hunto cu comision di Energia y Innovacion, sumamente bon atendi dor di e miembronan di Parlamento a trece diferente topico na discusion y a logra intercambia idea. A trata e plan di comercio

2015 di Ahata y nan meta, nan bista ariba e plan di comercio pa Aruba, e presupuesto 2015 di gobierno, politica di riba beach, e inversionnan di mas cu 100 miyon dollar Mericano den e sector hotelero y inversionnan pa futuro. Tambe a discuti intensamente ariba energia sostenibel y e 'carbon footprint' di hotelnan.

Ahata tawatin diferente sugerencia y preocupacionnan pa comparti cu e miembronan

di comision y a keda masha satisfecho cu e reunion. Durante e reunion a bin dilanti cu Aruba ta invertiendo mas den promocion di nos isla, pero ta logico mirando cu tin un competencia agresivo den e mundo di Turismo. Aruba

vacacion of biahe.

Mercado ta un parti cu ta keda esencial pa Aruba si nos kier keda atrae turistanan di calidad. Durante añanan tambe e demografico di nos bishitantenan a cambia y e lo



ta keda simplemente un opcion pa turistanan, nan por scoge mil y otro destinacion, kiermen mester keda traha duro pa atrae y haci promocion di nos isla y locual nos tin di ofrece. Awendia tecnologia y internet ta e manera pa yega na un escogencia di cada

keda varia segun e clima politico den region y na Norte America. Un factor y instrumento cu por keda midí nos exito den Turismo cu ta concorda cu e plan di maneho ta nos Tourism Receipts y Revpar. Cuanto nos turistanan ta lagando atras den nos

economia y e prijs cu nan ta dispuesto pa paga pa un camber. Den tur dos caso e dos indicadornan aki Aruba ta keda demostra cu Aruba ta na e momentonan aki den top 5 di region pa Revpar (Revenue per Available room) un meta cu a hasta a instala un comision pa supervisa esaki y e entrada pa cada turista ta keda subi den porcentahe segun Banco Central.

Aruba como isla no ta enfoca hopi ariba cantidad pero calidad di nos bishitantenan. Esaki kiermen cu nos lo por baha den cantidad por ehempel di turista crucero of yegada di crucero pero esaki no significa cu Aruba su Turismo no ta bayendo den e bon direccion.

Ta hopi profesionalnan, agencianan tanto local como internacional tin bista ariba Aruba y ta guiando Aruba y mantenendo Aruba cu un pilar di economia solido cu ta nos Turismo. □

Amsterdam Manor Beach Resort a ricibi Best In Stay Award di Orbitz

Recientemente Amsterdam Manor Beach Resort a ricibi Orbitz Best In Stay Award durante e "Orbitz appreciation cocktail Party" na Puerto Rico.

Jurgen van Schaijk, Director di maneho, y Joanne Dirks, Manager di Benta y Mercado, tawata presente pa ricibi

e premio.

E ganadonan a wordo selecta a base di e score di e "reviewnan" di hotelnan riba e pagina di Orbitz pa e delaster aña. E clientenan a score e hotel di 1 pa 5, incluyendo "amenities," mantenimiento, staf di hotel, con confortabel un camber ta, localidad, y e



balor di nan placa. Tambe a ganadonan a wordo selecta pa e 150 expertonan di Orb-

itz cu ta experiencia den otro condicionnan di e mercado manera cantidad di review,

frecuencia di e reservacion y e reputacion di e staf di e hotel. □



Forum Global di OECD

Siman pasa Minister di Financia Angel Bermudez a biaha rumbo pa Paris conhuntamente cu Minister Plenipotenciario, drs. Alfonso Boekhoudt y un delegacion di Banco Central cu lo atende e asina yama "Peer Group Review"

." Esaki ta un tayer organisa pa e Forum Global di "Organization of Economic Cooperation and Development" (OECD). E organizacion aki ta supervisa e mecanismo di intercambio di informacion pa asuntonan di impuesto na nivel mundial y aña pasa caba un team di experto a bishita Aruba pa realiza un sondeo basa riba con e leyman aki ta funciona, principalmente despues cu Aruba durante e ultimo añanan a aumenta

su legislacion pa por cumpli cu tur e exigencianan riba e tereno aki.

Durante e reunionnan na Paris, varios delegacion di diferente pais manera Corsou, Suisa, Portugal, Hungría y Uruguay a haci nan presentacion pa splica loke cu e team di experto aki a observa den nan pais. E obhetivo principal di e chercicio aki ta pa coordina e esfuerzonan contra e crimen di labamento di placa y financiamiento di terrorismo. Aki un luna e Forum Global di OECD lo conclui y cualifica e rapport di cada pais, caminda nan lo indica tambe na ki nivel e paisnan ta cumpli cu e reglanan internacional encunto transparencia y intercambio di informacion pa asuntonan di impuesto. □

Sudoku BON DIA, train bo mente

	4	5	8		3	7	1	
8	1					2	4	
7		9				5		8
			9	7				
				6				
			4	2				
6		4				3		5
3	2					8	7	
	5	7	3		8	2	6	


		5			3		4	
		7			9	1	2	
	2							
	5		8	1	6			3
4			3		7			6
1			4	9	2		5	
							3	
	3	4	5			8		
	8		2			9		

Bon bini na Sudoku Bon Dia. Riba e pagina aki nos ta brinda bo tur dia tres sudoku den e siguiente secuencia, Facil, Medio.

Pa resolve bo ta pone num-

ber den cada cuadra di tal forma cu cada rij crusa of bay abou tin e number un solo biaha. Tambe den cada cuadra chikito compara cu esun mas grandi tambe tin e numbernan 1 te cu 9.

E number tampoco no por ripiti den e cuadra chikito. Trahando cu e numbernan cu tin poni caba ta yuda bo yega na e solucion. □



BALCHI DI BANANA CU CARNI MULA

Ingredientenan:

- 3 banana hecho
- 1 ½ cup di buscuchi soda, garna
- ½ lb. di carni mula
- 1 cuchara grandi di pasta di tomati
- Salo, pepper
- Chili powder
- Peterseli corta chikito
- Azeta dushi

Herbe e banananan den suficiente awa cayente. Kita e cascanan y machica nan. Hasa e carni mula den un planchi y sasone cu salo, pepper, chili powder y peterseli. Drei un cuchara di pasta di tomati aden. Cohe un tiki di e banana machica y plache, y pone un tiki carni mula aden. Awor forma un balchi di dje. Ora tur e balchinan ta forma, lora nan den e buscuchi garna y hasa nan den azeta cayente. Sirbi e cu aros cu bonchi.

Bon Appetit!

DOCTER

NA WARD
Oranjestad

Dr. Alvarez

EMERGENCIA

911



POLIS	100
POLIS	581-1100
ORANJESTAD	582-4000
NOORD	587-0009
STA. CRUZ	585-4710
SAVANETA	584-7000
SAN NICOLAS	584-5000
BRANDWEER	115
BRANDWEER	582-1108
POLIS TIPLINE	11141
HOSPITAL	527-4000
AMBULANCE	582-1234
SAN NICOLAS	
AMBULANCE	584-5050

BOTICA

Oranjestad: del Pueblo Tel: 582-1253
San Nicolas: San Lucas Tel: 584-5119

SERVICES

INFORMATION	118
SETAR	582-2116
TAXI	582-5900
TAXI-TAS	587-5900
PROF. TAXI	588-0035
TAXI D.T.S.	587-2300
SERVICE ARUBA	583-3232

CRUISESHIP

February 17
Explorer of the Seas
Carnival Breeze
Freewinds



MORTUARIO

AD Patres	584-2299
Aurora	588-6699
Mementomori	583-3358
The Olive Tree	584-8888

FOUNDATION FELLOWSHIP CLINIC

Tel: 584-6440
Alcoholism & Drug Addiction,
Anonymity guaranteed

FUNDACION

Anti-Droga
Aruba
(FADA) Tel: 583-2999

FUNDACION Respetami

Tel: 582-4433

Diabetic Foundation Arubano

Tel: 583-3808

Narcotics Anonymous

Tel: 583-8989

Foundation Amor pa Prohimo

Tel: 583-3345 /586-6976

Women in Difficulties Foundation

Tel: 583-5400

MEGAPLEX 8
caribbeancinemas.com/aruba

100% Digital HD

LIKE OUR NEW FACEBOOK PAGE
Caribbean Cinemas Aruba

FEBRUARY 12 - 18

DAKOTA JOHNSON | JAMIE DORNAN
FIFTY SHADES OF GREY
MON-THURS 4:10 | 6:30 | 9:35
FRI-SAT 4:10 | 6:30 | 9:35
SUN & HOL 4:10 | 6:30 | 9:35
MON-THURS 5:00 | 7:45
FRI 5:00 | 7:45 | 10:20
SAT 2:15 | 5:00 | 7:45 | 10:20
SUN & HOL 2:15 | 5:00 | 7:45

GINNIFER GOODWIN | MAE WHITMAN
LEGEND OF THE NEVERBEAST
MON-THURS 4:50 | 6:40 | 8:30
FRI 4:50 | 6:40 | 8:30 | 10:20
SAT 3:00 | 4:50 | 6:40 | 8:30 | 10:20
SUN & HOL 3:00 | 4:50 | 6:40 | 8:30

CHRIS EVANS | MICHELLE MONAGHAN
PLAYING IT COOL
MON-THURS 5:00 | 9:25
FRI 5:00 | 9:25 | 11:30
SAT 5:00 | 9:25 | 11:30
SUN & HOL 5:00 | 9:25

ANTONIO BANDERAS | FRANKIE MUNIZ
THE SPONGEBOB MOVIE
SPONGE ON THE RUN
3D VERSION
MON-FRI 4:20 | 6:30 | 8:35
SAT 2:10 | 4:20 | 6:30 | 8:35
SUN & HOL 2:10 | 4:20 | 6:30 | 8:35
3D VERSION
MON-FRI 5:00 | 7:05
SAT 2:55 | 5:00 | 7:05
SUN & HOL 2:55 | 5:00 | 7:05


CHANNING TATUM | MILA KUNIS
JUPITER ASCENDING 3D
MON-THURS 3:30 | 6:35 | 9:30
FRI 3:30 | 6:35 | 9:30 | 10:45
SAT 3:30 | 6:35 | 9:30 | 10:45
SUN & HOL 3:30 | 6:35 | 9:30

KEVIN HART | JOSH GAD
the Wedding Ringer
WITH SPANISH SUBTITLES
MON-THURS 4:50 | 7:05 | 9:20
FRI 4:50 | 7:05 | 9:20 | 11:35
SAT 2:30 | 4:50 | 7:05 | 9:20 | 11:35
SUN & HOL 2:30 | 4:50 | 7:05 | 9:20

BEN BARNES | JULIANNE MOORE
SEVENTH SON
MON-THURS 7:05
FRI 7:05
SAT 2:40 | 7:05
SUN & HOL 2:40 | 7:05

BRADLEY COOPER | SIENNA MILLER
AMERICAN SNIPER
6 ACADEMY AWARDS® NOMINATIONS
MON-FRI 9:10
SAT, SUN & HOL 9:10

STARTING NEXT WEEK
KINGSMAN: THE SECRET SERVICE • HOT TUB TIME MACHINE 2
Download our NEW APP
Palm Beach Plaza | Aruba | 586-0074



RELAHA|B15

DIAMARS 17 FEBRUARI 2015



Aries

Lo bo descubri e balor di un bon amistad. Bo ta sintiendo bo mes confundi dilanti un situacion inespera? Practica compasion y pone bo mes na luga di un otro hende. Numbranan pa awe: 1, 3, 17 y 18.



Tauro

Lo bo ricibi e noticia cu bo tabata spera for di hopi tempo. Un relacion cu tabata andando medio paralisa lo wordo activa. Esaki ta un dia di reconciliacion. Numbranan pa awe: 16, 23, 33 y 41.



Geminis

Bo dirigente, Mercurio, ta envolve bo cu un onda di energia. Bo sa kico bo tin cu haci pasobra bo intuicion y bo inteligencia ta wordo tuma na serio. Numbranan pa awe: 3, 14, 25 y 35.



Cancer

Lo bo causa un gran admiracion cerca esunnan cu ta rond di bo. Lo surgi algo cu bo no tabata spera y cu por transforma bo bida. Explora e posibilidad ey. Numbranan pa awe: 9, 18, 34 y 44.



Leo

Lo bay tin un encuentro cu lo nifica hopi den bo bida afectivo. Ainda bo ta duda? Esaki ta un di e momentonan cu amor ta duna un buelta. E ta rond di bo. Numbranan pa awe: 5, 28, 32 y 41.



Virgo

Placa y fortuna ta batiendo na bo porta. Den bo mannan bo por probcha di e ocasion. Controla y canalisa cierto impulsos cu por compromete bo. Numbranan pa awe: 2, 28, 37 y 51.



Libra

Lo bo gosa di un anochi excepcional di amor. Lo bo siña tuma cosnan manera cu nan presenta. Amor cu no ta pa abo, no por forsa ni por obliga. Numbranan pa awe: 6, 16, 40 y 49.



Scorpio

Disfruta bo presente cu ta bo realidad. Ta tempo pa bo proyecta pa futuro lagando atras e cosnan cu ta molestia bo. Awor cu tur cos ta cla, no mester sigui resolve. Numbranan pa awe: 5, 27, 33 y 41.



Sagitario

- Ta bo periodo pa aclaria bo inkietud y preguntanan. E fin di siman aki lo caba den un manera excepcional pues lo bo recupera loka bo a pensa di a perde. Numbranan pa awe: 6, 11, 25 y 32.



Capricornio

Un noticia agradabel lo inspira bo y lo lanta bo animo. Si bo curason ta algun caminda y bo mente den otro, lo a yega e momento di analisa bo bida amoroso. Numbranan pa awe: 2, 12, 29 y 36.



Aquario

Lo bo caba cu un ciclo cu lo hiba bo pa ambientenan nobo. Sigui bo intuicion y deseonan, demostra bo amor manera bo pareha lo spera cu lo bo haci. Numbranan pa awe: 27, 33, 41 y 48.



Pisces

Ta tempo di sorpresa. Lo surgi algo hopi interesante den bo paisahe amoroso pasobra cosnan, cu lo parece complica y dificil, lo wordo resolvi felizmente. Numbranan pa awe: 6, 14, 22

Parada di San Nicolas

